

四庫全書

子部

欽定四庫全書

子部

證治準繩卷五十

詳校官太醫院吏目臣周世泰

編修臣倉聖脈覆勘

總校官進士臣朱鈐

校對官中書臣吳俊

謄錄監生臣朱上林

欽定四庫全書

證治準繩卷五十

明 王肯堂 撰

傷寒

勞復食復

女勞復

龐病新差後氣血津液虛耗慎勿為諸勞動事凡言語思慮勞神梳浴澡類勞力勞則生熱而復病如初也又新瘥

後精髓枯燥切不可為房事犯房事勞復必死魏督郵顧  
子獻病瘥後華佗囑之慎勿勞事餘事尚可女勞即死此  
是女勞復非陰陽易也又素問云病熱而有所遺者是新  
瘥後腸胃尚弱若多食則難消化而復病如初也此是食  
復新瘥強人足兩月虛弱人足百日則無復病矣

大病瘥後勞復者枳實梔子湯主之若有宿食者加大

黃如博碁子大五六枚

成病有勞復有食復傷寒新瘥血氣未平餘熱未盡且作勞動

病者名曰勞復病熱少愈而強之熱有所藏因其穀氣留搏兩陽相合而病者名曰食復勞復則熱氣浮越與

枳實梔子豉湯以解之不待虛煩懊懷也食復則胃有宿積加大黃以下之不待腹滿譫語之候也

# 枳實梔子豉湯方

枳實

三枚炙

梔子

十四枚擘

豉

一升綿裹

右三味以清漿水七升空煮取四升內枳實梔子煮取二升下豉更煮五六沸去滓溫分再服覆令微似

汗

傷寒之邪自外入勞復之邪自內發發汗吐下當隨宜施治也

枳實梔子豉湯則應吐劑此云覆令微似汗出者以其熱聚於上苦則吐之熱散於表者苦則發之內經曰火淫所勝以苦發之此之謂也

傷寒瘥已後更發熱者小柴胡湯主之脈浮者以汗解

之脈沈實者以下解之

瘥後餘熱未盡更發熱者與小柴胡湯以和解之脈浮者熱在

表也故以汗解脈沈者熱在裏也故以下解之

海大抵勞者動也動非一種有內外血氣之異焉若勞乎氣則無力與精神者法宜微舉之若勞乎血與筋骨者以四物之類補之若勞在脾內為中州調中可已此為有形病也但見外證則謂之復病非為勞也如再感風寒是已

許記有人患傷寒得汗數日忽身熱自汗脈弦數心不  
得寧真勞復也予診之曰勞心之所致神之所舍未復  
其初而又勞傷其神榮衛失度當補其子益其脾解其  
勞庶幾得愈授以補脾湯佐以小柴胡湯解之或者難  
曰虛則補其母今補其子何也予曰子不知虛勞之異  
乎難經曰虛則補其母實則瀉其子此虛當補母人所  
共知也千金曰心勞甚者補脾氣以益之脾王則感之  
於心矣此勞則當補子人所未聞也蓋母生我者也子

繼我而助我者也方治其虛則補其生我者如錦囊所謂本骸得氣遺體受陰同義方治其勞則補其助我者與荀子言未有子富而父貧同義此治虛與勞所以異也

補脾湯治傷寒得汗差後脾胃傷冷物胸膈不快尋常血氣不和

人參 白朮 甘草 橘皮 去白 青皮 去白

乾薑 各等分



右為末每服三錢水一盞煎數沸熱服入鹽點亦得  
海麥門冬湯治勞復氣欲絕者用之有效能起死回生

麥門冬

去心  
一兩

甘草

炙二兩

粳米

半合

右為細末水二盞煎粳米令熟去米約湯一小盞半  
入藥五錢匕棗二枚去核新竹葉一十五片同煎至  
一盞去渣溫服不能服者綿滴口中又治小兒不能  
灌藥者宜用此綿滴法 此方不用石膏以其三焦  
無火熱也兼自欲死之人陽氣將絕者故不用石膏

若加人參大妙

外大病後不足病虛勞補虛取七歲以下五歲以上黃牛乳一升水四升煎至一升如人饑稍稍飲不得多期十日服不住佳

肘治篤病新起早勞食飲多致勞復欲死燒鼈甲服方寸匕

活雄鼠屎湯 治勞復

梔子 十四枚

雄鼠屎

二七粒兩頭尖者是

枳殼

三枚炒

右為細末每服四錢水一盞半入蔥白二寸香豉三十粒同煎一盞分二服勿令病人知鼠屎

七味蔥白湯 治傷寒或因起動勞復或因吃食稍多

皆成此候若復甚者一如傷寒初有此證宜服此方

蔥白

連鬚

乾葛 二錢

新豉

半合

生薑

切一合

麥門冬

去心

熟地黄

各三錢

流水

四升以杓揚之

右七味用清水煎三分減二去滓分二服漸漸服之

取汗

千金方 治勞復或食復發熱者

梔子仁 石膏 各三錢

獼鼠屎 十四粒

豉 半合

右用水二鍾煎至一鍾去滓通口服之

補中益氣湯 治勞復發熱氣高而喘身熱而煩四肢

怠惰

人參 二錢

白朮 土炒

軟苗柴胡

陳皮

白芍藥

各一錢 黃芪 各一錢 二分

甘草

升麻

各五分

當歸身 一錢 二分

右作一服用水二鍾煎至八分去滓溫服 若下元

陰火動或夢中失精或虛勞煩盛或自汗陰虛不足

者加知母黃檗

各一錢

五味子

九粒

麥門冬

半錢

主之若

兼有宿食不消心下痞者去升麻人參加枳實黃連

各一錢

主之若不能眠者加遠志酸棗仁

各一錢

茯神

半錢主之凡脈弱人虛倍用人參自汗盜汗倍用黃芪

食少胃弱倍用白朮外熱多倍加軟苗柴胡之類

吳大凡病新瘥後血氣虛弱餘熱未盡古人所謂如大

水浸牆水退則牆蘇不可犯之但宜安卧守靜以養其氣設或早起勞動則血氣沸騰而發熱也經言脈浮者以汗解之脈實者以下解之若不可汗不可下宜小柴胡湯隨證增損以和之或漉然汗出而解或寒顫汗出而解也凡新瘥後虛煩不得眠者參胡溫膽湯加酸棗仁主之凡虛羸少氣氣逆欲嘔者竹葉石膏湯主之虛熱燥渴者亦用此湯去半夏主之活人書治勞復身熱者鰕鼠屎湯主之千金治勞復以麥門冬湯主之易老

加人參以益元氣也若身熱食少無力者以參胡三白湯或補中益氣湯增損主之如無熱而下虛有寒者以黃芪建中湯虛甚者以大建中湯人參養榮湯之類主之若陰虛火動者必少加知母黃蘗以救腎水也

凡新瘥後只宜先進白稀粥湯次進濃者又次進糜粥亦須少少與之常令不足則可不可盡意過食之也其諸般肉食等物皆不可食經言病人新差脈已解但日暮微煩者此食穀早或多故也蓋胃弱不能消化宜減

穀則愈矣經言食復發熱者以枳實梔子豉湯主之如宿食內結大便不去者加大黃如圍碁子大五六枚下之又曰食復發熱不解者以柴胡湯加減隨證用之若食少胃弱痞悶者以四君子湯為主而加味以主之如有表熱加軟苗柴胡內外有熱少佐黃芩心下痞悶心煩有內熱加枳實黃連如不眠更加酸棗仁有痰加橘紅半夏嘔吐者亦加之如米食不化加神麴麥蘖肉食不化加棠毬子枳實青皮之類消剋之也貴在通變而



已

凡男子大病瘥後早犯女色而為病者名曰女勞復也  
其候頭重不舉目中生花腰背疼痛或小腹裏急絞痛  
或憎寒發熱或時陰火上衝頭面烘熱心胸煩悶活人  
書以猓鼠屎湯主之有熱者以竹皮湯燒視散主之千  
金方以赤衣散主之虛弱者以人參三白湯調下赤衣  
散為妙若小腹急痛脈沈逆冷者以當歸四逆湯加附  
子吳茱萸送下赤衣散救之仍以吳茱萸一升酒拌炒

熨小腹為佳凡卵縮入腹離經脈見者死不可救也

竹皮湯 治女勞復頭重不舉目中生花腹內絞痛有

熱者

青竹皮

刮取  
半升

右用水二鍾煎至七分溫服之

千金赤衣散 治女勞復并陰易

室女月經布近隱處者燒灰用白湯下日三服

凡酒味苦辛乃大熱有毒者也且大寒惟酒不冰其熱

可見也蓋傷寒熱病本熱未解而欲飲酒則轉加熱盛而病增劇若脈弦大者須用小柴胡湯加葛根黃連烏梅主之若脈洪大者以人參白虎湯加葛根黃連主之或竹葉石膏湯黃連解毒湯皆可用多加雞矩子尤妙

### 瘥後諸病

水氣大病瘥後從腰以下有水氣者牡蠣澤瀉散主之成大病差後脾胃氣虛不能制約腎水歸於隧道故水溢下焦腰以下為腫也金匱要畧曰腰以下腫當利小便與牡蠣澤瀉散利小便而散水也

牡蠣澤瀉散方

牡蠣熬

澤瀉

括蔞根

蜀漆

洗去脚

葶藶

熬

蔕陸根

熬

海藻

洗去鹹以  
上各等分

右七味異搗下篩為散更入臼中治之白飲和服方

寸匕小便利止後服日三

鹹味湧泄牡蠣澤瀉海藻之鹹以泄水氣內經曰濕淫於內平以苦佐以酸辛以苦泄之蜀漆葶藶蔕

蔕蔕之酸辛與苦以導腫濕

喜唾大病瘥後喜唾久不了了者胃上有寒當以丸藥

溫之宜理中丸

成汗後陽氣不足胃中虛寒不內津液故喜唾不了了與理中丸以溫其胃加

益智仁更佳

千金方瘥後口乾喜唾或咽痛用大棗十枚烏梅三箇共搗細入煉蜜丸如棗核大含口中徐徐嚥下或咽痛不愈者以山豆根涼水浸含嚥苦汁亦佳

欲吐傷寒解後虛羸少氣氣逆欲吐者竹葉石膏湯主

之成傷寒解後津液不足而虛羸餘熱未盡熱則傷氣故少氣氣逆欲吐與竹葉石膏湯調胃而散熱

竹葉石膏湯方

竹葉

二把

石膏

一觔

半夏

半升洗

人參

三兩

甘草

二兩

粳米

半升

麥門冬

一升去心

右七味以水一斗煮取六升去滓內粳米煮米熟湯

成去米溫服一升日三服

辛甘發散而除熱竹葉石膏甘草之甘辛以發散餘熱甘緩脾而益氣麥門冬人參粳米之甘以補不足辛者散也氣逆者欲其散半夏之辛以散逆氣

日暮微煩病人脈已解而日暮微煩以病新瘥人強與

穀脾胃氣尚弱不能消穀故令微煩損穀則愈

陽明王  
於申酉

戌宿食在胃故日暮微煩當小下之以損宿食只用梔子豉湯痞鞭加枳實

以前俱出仲景書 以後續增

補遺

驚悸茯神散 治傷寒後虛羸心氣乏力弱驚悸多忘

茯神 黃芪 菖蒲 白芍藥 人參

各一兩

各半兩

遠志

去骨  
七錢半

右咬咀每服五錢水一中盞入棗三枚煎至六分去

滓溫服

龍齒丸 治傷寒後伏熱在心心虛驚悸

龍齒

人參

生乾地黄

茯神

各一兩

遠志

去骨

鐵粉

細研各半兩

黃連

去鬚

馬牙硝

細研

防風

各七錢半

麝香

細研五分

麥門冬

去心焙一兩半

右為細末都研令勻煉蜜為丸如梧子大每服二十

丸竹葉金銀湯下不拘時服

溫膽湯

治傷寒瘥後調理

半夏

湯泡

茯苓

去皮

陳皮

去白

枳實

炒各二錢



竹茹 一錢 甘草 半錢

右作一服水二鍾生薑三片煎至一鍾不拘時服

加味溫膽湯 治瘥後心膽虛怯觸事易驚夢寐不安

氣鬱生涎涎與氣搏變生諸證或短氣困乏或復自

汗四肢浮腫飲食無味心虛煩悶坐卧不安

枳實 剉炒 半夏 湯炮 白茯苓 去皮 橘紅

人參 各一錢半 竹茹

香附

麥門冬 去心

柴胡

桔梗 各一錢 甘草 半錢

右作一服水二鍾生薑三片紅棗二枚煎至一鍾不拘時服

煩熱柴胡湯 治傷寒後夾勞五心煩熱背膊疼痛手足無力不能飲食

柴胡

赤茯苓

鼈甲

去裙襴  
醋浸炙

黃芪

各一兩

秦朮

地骨皮

黃芩

去黑心

枳殼

去瓢  
炒

葛根

各半兩

甘草

炙

人參

各七錢半

右咬咀每服四錢水一盞半煎至七分不拘時溫服

虛汗鼈甲散 治傷寒後虛羸盜汗不止四肢無力向

晚增寒

鼈甲

去裙襴  
醋炙黃

附子

炮拆去  
皮臍

甘草

炙肉苁蓉

酒浸去  
皮炙乾

人參

黃芪

熟地黃

桃仁

去皮尖雙  
仁麪炒

枳殼

去瓤  
麪炒

杜仲

炙黃

五味子

柴胡

牛膝

各七  
錢半

牡蠣

煨

蒼朮

炒各一兩

右咬咀每服五錢水一大盞生薑半分棗三枚煎至

五分不拘時溫服

治傷寒後虛羸日夜汗出不止心燥口乾咽喉不利

黃雌雞

一隻腸肚淨去理如常法

牡蠣

煨粉

麻黃根各二兩

肉苁蓉

一兩酒浸一宿刮去鱗甲切

右先將雞麻黃根以水七大盞煮取汁三大盞去雞麻黃根後下肉苁蓉牡蠣煎取一盞半去滓分三服空心午前夜後臨卧時服

治大病差後多虛汗

龍骨

牡蠣

煨粉

麻黃

各等分

右為末以粉身

喘嗽紫苑散 治傷寒後肺痿勞嗽唾膿血腥臭連連

不止漸將羸瘦

紫苑

洗去苗土

天門冬

貝母

煨微黃各一兩

生乾地黃

桔梗

各一兩半

百合

知母

各七錢半

右咬咀每服四錢水一鍾半煎六分去滓溫服無時

夢泄牡蠣散 治傷寒後虛損心多怔悸夜夢泄精

牡蠣

煨粉

桂心

鹿茸

酥炙

白芍藥

龍骨

各一兩

甘草

炙半兩

右咬咀每服五錢水一大盞生薑一錢棗三枚煎至

五分去滓食前溫服

麋羊角丸

治傷寒夜夢精泄不禁身體枯燥瘦瘠骨

立者

麋羊角屑

犀角屑

石龍芮

韭子

炒龍骨

硃砂

細研水飛

鹿茸

酒浸炙

澤瀉

各一兩半

桂心

木香

各一錢

右為細末煉蜜和搗五七百杵丸如梧桐子大每服  
三十九食前用溫酒下

失音二瀝湯 治傷寒失音不語

竹瀝

荊瀝

梨汁

各三合

右攪冷勻以綿濾過分溫四服空心日晚各一服

嘔噦人參湯 治傷寒後虛羸少力嘔噦氣逆

人參

白茯苓

去皮

半夏

湯洗七次炒

陳皮

去白

白朮

各半兩

麥門冬

去心焙

黃芪

各一兩

甘草

炙二錢半

右咬咀每服五錢匕水一盞半生薑三片棗二枚擘破同煎至八分去滓食前溫服

下利訶黎勒丸 治傷寒後膿血利下部疼痛

訶黎勒

去核炮

人參各一兩

白茯苓

去皮

當歸

焙

木香

白芷

各七錢半

牡丹皮

半兩

右搗羅為末煉蜜和搗三五百杵丸如梧桐子大每服三十九食前米飲下日再服

黃連丸 治傷寒熱病後熱毒下利膿血



黃連

炒七錢半

烏梅肉

炒二兩

右為細末煉蜜入少蠟和搗五六百杵丸如梧桐子大每服二十九加至三十九空心米飲下

訶梨勒飲 治傷寒後氣不和自利無度

訶梨勒

四枚二生  
二煨去核

草豆蔻

四枚二生  
二煨去皮

右咬咀每服二錢匕漿水一盞煎至六分去滓空心溫服

燥腸丸 治傷寒汗下後大小便自利腹中痛者

附子一枚

乾薑一兩

龍骨

吳茱萸

訶梨勒去核

御米各半

兩

右為細末酒糊為丸如梧桐子大每服三十九溫水下利止勿服

腰痛治傷寒發汗吐下後體虛元臟積冷氣刺腰痛轉動艱難

原蠶蛾半斤

糯米半升

右二味同炒令米色焦然後搗羅為末每用半兩以

米醋調如稀糊入銚子內煎攪令稠乘熱攤於蠟紙上貼痛處以帛纏縛冷即易之

杜仲酒 治傷寒後體虛元臟挾風冷腰膝疼痛行履不得

杜仲 去麋皮  
炙二兩

獨活 半兩

附子 炮裂去  
皮臍

牛膝 各一兩

仙靈脾

右細剉用生絹袋盛以酒五升浸密封頭經七日後開每日取三三合溫服日三服未瘥再浸服

不得眠 梔子烏梅湯 治傷寒瘥後不得眠

梔子

黃芩

各二錢

柴胡 三錢

甘草 一錢

烏梅

三箇 去核

右作一服水二鍾生薑三片竹葉十四片豆豉三十粒煎至一鍾不拘時服

發豌豆瘡千金方治豌豆瘡只以黃連一味酒炒水煎服之外以赤小豆為末入真青黛以雞子清和塗瘡上其效如神

遺毒凡傷寒汗出不徹邪熱結耳後一寸二三分或耳下俱腫鞭者名曰發頤此為遺熱乘毒之所致也宜速消散則可若緩則成膿又為害也

連翹敗毒散 治發頤初腫服此消之

羌活

中

獨活

中

連翹

上

荊芥

中

防風

中

柴胡

中

升麻

下

桔梗

中

甘草

下

川芎

中

牛蒡子

新瓦上炒研  
碎用中

當歸尾

酒洗中

紅花

酒洗下

蘇木

下

天花粉

中

右用水一鍾好酒一鍾同煎一鍾去滓徐徐溫服如

未消加穿山甲蛤粉

錢炒一

腫至面者加香白芷

錢一

漏

蘆

分五

如大便燥實者加酒浸大黃

錢半

壯者倍用之

凡內有熱或寒熱交作者倍用柴胡加酒洗黃芩

錢一

酒炒黃連

錢一

消毒救苦散

消腫散毒用米醋調塗傅四圍留頭如

乾即又傅

大黃

錢三

黃芩

黃連

黃蘗

芙蓉葉

大薊根 白芨 白斂 天南星 半夏

紅花 檀花 當歸尾 赤小豆

白芷 各一錢半 朴硝 雄黃 另研末各一錢

一方用見腫消草生白芨白斂土大黃生大薊根野苧  
麻根共搗成餅入朴硝一錢和勻貼腫上留頭勿貼如  
乾即換之若更加山慈菇金線重樓根尤妙

內托消毒散 治發頤有膿不可消者已破未破服之

人參 中 黃芪 上 防風 中 白芷 中 川芎 中

當歸

中

桔梗

中

連翹

中

升麻

中

柴胡

中

金銀花

中

甘草節

中

右用水一鍾好酒一鍾同煎一鍾去滓徐徐溫服瘡破者以玄武膏貼之四圍赤腫不退者仍以前藥塗之兼服臘礬丸最妙

昏冒凡傷寒汗出愈後漸覺昏昏不醒如鬼祟之狀或錯語呻吟者此因汗出未盡邪熱伏於心胞所致也活人書用知母麻黃湯以汗之但慮病後血氣俱虛豈可



與發汗若脈弱人虛者只宜十味溫膽湯加黃連土之  
若有寒熱潮熱日晡發熱者以小柴胡湯隨證增損主  
之

傷寒瘥後虛弱治例

當歸六黃湯 治傷寒新瘥後虛熱盜汗不止

當歸身 酒洗一錢五分 黃檗 炒

黃芩 炒七分 黃連 炒五分

黃芪 鹽水炙二錢

生地黃 酒洗 熟地黃 酒蒸各一錢

右作一服水二鍾煎至八分食遠溫服之

加味黃芪建中湯 治陽虛無熱惡寒盜汗無力下虛者

黃芪

白芍藥

錢各二

當歸

錢一錢半

人參

白朮

麻黃根

牡蠣粉

錢各一

官桂

五分

飴糖

一匙

大棗

一枚

右煎法同前

滋陰補腎丸

治病後陰虛精血不足四肢少力心神

不寧夜夢遺精或虛熱盜汗飲食進少不為肌肉身

體羸弱面色青黃而無血色宜服此丸滋腎水制虛火大有益也

熟地黄

酒蒸

生地黄

酒浸

白朮

各二兩

人參

麥門冬

去心

五味子

當歸

酒浸

白芍藥

酒炒

川芎

黃芪

鹽水炙

山藥

蛤粉

另研極細

茯神

去皮

砂仁

各一兩

知母

炒一兩半

黃檗

炒二兩

右十六味共為細末煉蜜和成於石臼內杵千餘下丸如梧桐子大每服五十九丸空心淡鹽湯下

加味補陰丸 治證同前

黃檗

鹽酒拌炒四兩

熟地黃

知母

鹽酒拌炒

敗龜板

醋炙各二兩

虎脰骨

鎖陽

醋炙

白芍藥

酒炒當歸

酒浸

川牛膝

酒洗

杜仲

醋炙去絲

砂仁

以上各一兩

若冬月天寒

加乾薑炮五錢

右為末煉蜜入猪脊髓五條共搗和成石臼內杵千餘下丸如梧桐子大每服五十丸空心淡鹽酒或鹽湯下

硃砂安神丸 治病後心神不安夜卧不寧或亂夢不

得眠

硃砂

另研水飛二錢用一半為衣

黃連 炒

生地黄

酒洗焙乾各一錢半

當歸身

酒浸一錢

甘草

炙半錢

右為細末湯浸蒸餅糊為丸如菴豆大硃砂為衣陰乾每服三十丸以口中津液嚥下或燈心湯下

加味枳朮丸 治病後胃弱食少服此進飲食強胃氣

枳實 炒

神麴 炒

大麥蘖 炒

棠毬子

陳皮

兩

人參

白朮

兩

各二

右為末荷葉燒飯和丸如梧桐子大每服七八十九

白湯下如夏有熱加薑炒黃連七錢如冬月天寒加

砂仁

兩

如氣鬱不舒暢加香附

兩

如痰多加橘紅

兩

去陳皮更加半夏麴

一兩

六君子湯 治傷寒汗下之後將見平復宜服此調理

助脾進食辟邪氣大妙

人參

白朮

黃耆

白茯苓

山藥

甘草 各等分

右咬咀每服四錢水一盞半生薑三片棗一枚同煎至七分去滓溫服

養脾湯 治傷寒後脾胃虛弱不思飲食

茯苓

乾薑

炮各一兩

白朮

二兩

丁香

人參

甘草

各半兩

右如法事治一處搗羅為末每服三錢水一盞煎至六分溫服日三不拘時候

健脾散 治傷寒後脾胃虛弱不欲飲食縱食不能消

化

訶梨勒皮

白朮

麥蘖

炒令微黃

人參

各一兩

乾薑

炮七錢半

神麴

炒

甘草

炙

枳殼

麪炒

大腹皮

各半兩

右咬咀每服四錢水一中盞入生薑半分煎至六分去滓不拘時稍熱服

陰陽易



傷寒陰陽易之為病其人身體重少氣少腹裏急或引陰中拘攣熱上衝胃頭重不欲舉眼中生花膝脛拘急者燒裊散主之

燒裊散取婦人中裊近隱處剪燒灰以水和服方寸匕日三服小便即利陰頭微腫則愈婦人病取男子裊襠燒灰用

嘗治傷寒病未平復犯房室命在須臾用獨參湯調燒裊散凡服參一二斤餘得愈者三四人信哉用藥

不可執一也

附

治傷寒病新瘥陰陽未和因合房室則令人陰腫入腹  
絞痛婦人則裏急腰胯連腹內痛名曰陰陽易也其男  
子病新瘥未平復而婦人與之交接得病名曰陽易婦  
人病新瘥未平復而男子與之交接得病名曰陰易若  
二男二女並不自相易所以呼為易者以陰陽相感動  
其毒著於人如換易然其病之狀身熱衝胸頭重不能

舉眼中生花四肢拘急小腹絞痛手足拳則死亦有不  
即死者病苦少腹裏急熱上衝胸頭重不欲舉百節解  
離經脈緩弱血氣虛骨髓竭便恍恍翕翕氣力轉小著  
牀不能動搖起止仰人或牽引歲月方死宜燒褌散  
鼠糞湯竹茹湯青竹茹湯乾薑湯當歸白朮湯選用之  
海藏云熱者燒褌散竹皮湯寒者獬鼠屎湯當歸白朮  
湯至於校正方妙香九條下治雜病陰陽易中有牛黃  
腦麝之類是  
治其熱證也

青竹茹湯 婦人病未平復因有所動致熱氣衝胸手

足拘急搐搦如中風狀宜此湯

瓜蒌根 一兩

青竹茹

刮半升  
淡竹是

右以水二升煮取一升二合去渣分二三服

妙香丸 治陰陽易不瘥大便不通心神昏亂驚惕不

安者

辰砂

另研細水  
飛三錢

冰腦

膩粉

麝香

牛黃

各七  
錢半

金箔

五片

巴豆霜

二錢半

右為細末入黃蠟

錢三

蜜一小匙同煉勻和藥為丸每

藥一兩作三十九米飲下五丸弱者三丸壯者或七丸亦可取大便通即止

百一治交接勞復陰卵腫或縮入腹腹絞痛或便絕蚯蚓數條絞取汁服之良

海若陰陽易果得陰脈當隨證用之 若脈在厥陰當歸四逆湯送下燒視散 若脈在少陰通脈四逆湯送下燒視散 若脈在太陰四順理中丸送下燒視散所用之藥各隨其經而效自速也

獬鼠糞湯 療傷寒病後男子陰易

韭白根 一把

獬鼠糞

十四粒兩頭尖者是

右二味以水五升煮取半升去渣再煎三沸溫服得效未汗再服亦理諸般勞復

當歸白朮湯 治婦人未平復因有所動小腹急痛腰

胯四肢不任舉動無力發熱者

白朮

當歸

桂枝

附子

生

甘草

芍藥

黃芪

人參

各二錢半生薑半兩

右咬咀水煎服食頃再服溫覆取微汗瘥

李良佐子病太陽證尺寸脈俱浮數按之無力余見其  
內陰虛與神朮加乾薑湯而愈後再病余視之見神不  
舒垂頭不欲語疑其有房過問之犯房過乎必頭重目  
眩曰唯與大建中三四服外陽內收脈返沈小始見陰  
候又與已寒加芍藥懷香等丸五六服三日內約服丸  
六七百丸又用大建中接之大汗作而解

山因女色病陰證傷寒者用陳皮熱鍋內炒焦以酒烹

下瀘酒飲之

韭根散

治傷寒後陰陽易頭重百節解痛翕翕氣劣

著牀不能起動甚者手足拳卵腫疼痛

韭根

括萎根

各二兩

青竹茹

乾薑

炮各半兩

右細剉和勻分八服每服用水一大盞煎至五分去滓入鼠糞末一字攪勻不拘時服聖濟方搗篩五錢

匕水一盞半煎至一盞去滓食前溫服一名豐本湯

治傷寒婦人得病雖瘥未滿百日不可與交合為陰陽



易之病必身體拘急手足拳欲死丈夫病名曰陰易  
婦人病名曰陽易速當汗之可痊滿四日不可療宜  
令服此藥其病體重小腹急熱上衝胸頭重不能舉  
眼中生花膝脛拘急

用乾薑

四兩  
為末

沸湯調連進服以衣被覆出汗方解手

足伸而愈

二灰散 治傷寒陰陽易

手足指甲

二十片男病用女  
者女病用男者

中衣襠

近隱處一片男病用女女病用男者

右並燒作灰研令細分三服不拘時用溫酒調下或米湯調服亦可

醫林曰離經脈見多主死大過曰至一呼三至曰至不及曰損一呼一至曰損二脈唯陰陽易病有之

張假如婦人病新瘥未平復而男子與之交因感外邪而卒病實非餘邪相染醫見病速謂之陰易於法何以別乎夫易病者有上條所見之證存焉其與外所感豈

相侔哉設若風寒外傷當有表證安有小腹裏急引陰  
中拘攣者乎或又云假如男子病新瘥未平復強合陰  
陽而自病仍小腹裏急引陰中拘攣證同易病求其理  
何故不染易他人而自復未審其證治可同何法也病  
雖自理復與易同亦用燒裊散以誘安其氣夫易病之  
為合陰陽感動餘邪而其人正氣本虛故能染著不然  
安得受其邪哉今病自復緣正氣尚虛而餘邪因動悉  
非外感故與易同亦用燒裊散以安正氣正氣安餘邪

自平矣

四時傷寒不同

論文已見首篇總例

冬為傷寒 春為溫病 夏為暑病 秋為瘧

一歲長幼病相似為疫 多眠多汗脈浮為風溫

一身盡痛為濕 身反張為瘓

吳夫傷寒之病自霜降之後天令大寒而感之者乃傷寒也若天令溫暖而感之者為冬溫也如至春天令溫暖有人壯熱為病者乃溫病也若天令尚寒冰雪未解

而感寒者亦曰傷寒也若三月至七八月之間天道忽有暴寒而感之者此名時行寒疫也若夏至後壯熱脈洪者謂之熱病也如四時天令不正感而為病長幼相似互相傳染者謂之時行之氣也夫時氣者一曰時疫蓋受天地疫癘之氣而為病乃非寒也又有溫瘧風溫溫毒溫疫中風傷風中濕風濕中暑中暍濕溫等證一皆發熱狀似傷寒故醫家通以傷寒稱之者為發熱傳變皆相類也至於用藥則不同矣但發表解肌有瘡別

爾蓋冬月傷寒者人之著寒而即病也若不即病至春變為溫病至夏變為熱病溫病熱病乃因伏寒為變既變不得復言其寒矣其寒疫乃天時之暴寒與冬時之嚴寒又有輕重之不同時氣自是天行疫癘之氣又非寒比也溫病乃山澤蒸氣暑病乃炎日之火風乃天之賊邪傷於人者也有中者為重傷者為輕溫瘧風溫等病又是傷寒壞證更感異氣所變各有其因不同豈可通以傷寒稱而治之如不識其名妄行治療本中暑作

熱病治之濕溫作風溫治之虛實混淆是非紊亂天人  
天年可不慎哉

凡四時傷寒適宜補散故丹溪治傷寒多用補中益氣  
湯氣虛者四君子湯加發散劑血虛者四物湯加發散  
劑東垣治風濕用補中益氣加羌活防風升麻藁本蒼  
朮海藏治風濕無汗者用神朮湯有汗者用白朮湯治  
剛痙用神朮湯加羌活麻黃治柔痙用白朮湯加桂心  
芪朮治風濕用白朮湯隨證加藥治中暍脈弦細訖遲

者用黃芪湯此皆與仲景所謂辛苦之人觸冒之病傷寒同意也

丹仲景論傷寒而未及乎中寒先哲治冒大寒昏中者用附子理中湯其議藥則得之矣曰傷曰中未有議其異同者夫傷寒有即病有不即病因其舊有鬱熱風寒外束肌腠自密鬱發為熱病邪循經而入以漸而深初用麻黃桂枝輩微表而安以病體不甚虛也若中寒則倉卒感受其病即發而暴因其腠理疎豁一身受邪難



分經絡無熱可發溫補自解此氣大虛不急治則死矣  
傷寒傷暑傷濕亦如傷寒之漸入也中風中暑中濕亦  
如中寒之暴受也除傷寒外雜病首卷晰矣

冬為傷寒

從霜降已後至春分已前凡有觸冒霜露體中寒邪即

病者謂之傷寒也

治法除暑濕瘧疾  
外皆傷寒法也

春為溫病

從立春節後其中無暴大寒又不冰雪而有人壯熱為

病者此屬春時陽氣發於外冬時伏寒變為溫病

春溫應常

紀者有四歲少陽司天之政初之氣太陽司天之政初之氣陽明司天之政終之氣太陰司天之政二之氣皆病溫其不應常紀而反常者不可候之而隨時變易也

內經曰冬傷於寒春必病溫李明之曰冬傷於寒者冬行秋令也當寒而溫火勝而水虧矣水既已虧則所勝妄行土有餘也所生受病金不足也所不勝者侮之火太過也火土合德濕熱相助故為溫病所以不病於冬而病於春者以其寒水居卯之分方得其權大寒之令

復行於春腠理開泄少陰不藏房室勞傷辛苦之人陽氣泄於外腎水虧於內當春之月水當發生陽以外泄孰為鼓舞腎水內竭孰為滋養此兩者同為生化之源源既已絕水何賴以生乎身之所存者熱也時強木長故為溫病

論曰太陽病發熱而渴不喜寒者為溫病釋曰太陽病者脈浮頭項痛而腰脊強也傷於寒者當惡寒若不惡寒而渴者轉屬陽明則表證已罷邪傳於裏矣今不惡

寒則非傷寒證似陽明而與太陽兼見則非傷寒之以明也故決其為溫病

活人書云夏至以前發熱惡寒頭疼身體痛其脈浮緊者溫病也春月傷寒謂之溫病冬傷於寒輕者夏至已前發為溫病蓋因春溫煖之氣而發也

又非溫疫也

治溫病與冬月傷寒夏月熱病不同蓋熱輕故也

春初

秋末陽氣在裏其病稍輕縱不用藥治之五六日亦自安升麻湯解肌湯柴胡桂

枝湯最良熱多者小柴胡湯主之不渴外有微勞者

小柴胡加桂枝也噉者小柴胡加五味子也或煩渴發熱不惡寒者並竹葉石膏湯次第服之麻黃桂枝大青龍唯西北二方四時行之無有不驗若江淮間地偏煖處唯冬月及正初乃可用正方自春末至夏至以前桂枝麻黃大青龍內宜加減也 按活人所云溫病有二其用升麻解肌等者乃正傷寒太陽證惡寒而不渴者特以其發於溫暖之時故謂之溫病爾其用竹葉石膏湯者乃仲景所謂渴不惡寒之溫

病也要須細別勿令誤也然不惡寒而渴之溫病四時皆有之不獨春時而已

溫毒陽脈洪數陰脈實大者遇溫熱變為溫毒

成此前熱未已

又感溫熱者也陽主表陰主裏洪數實大皆熱也兩熱相合變為溫毒

活人云初春發斑咳嗽為溫毒

吳冬有非節之煖名曰冬溫此即時行之氣也若發斑者又曰溫毒而亦時氣發斑也又傷寒壞病陽脈洪數陰脈實大更遇溫熱變為溫毒其病最重也蓋

此因前熱多日不解更感溫熱之氣而為病故曰重也若無汗者以三黃石膏湯汗之若有自汗者宜人參白虎湯主之煩熱錯語不得眠者白虎合黃連解毒湯主之表熱又盛者更加柴胡主之若內實大便不通宜三黃瀉心湯下之或大柴胡湯加芒硝下之亦可若斑出如錦紋者多難治也宜人參化斑湯玄參升麻并黑膏大青四物湯主之

方論詳  
發斑

發汗不解身灼熱為風溫其證脈浮汗出身重多眠其

病不獨見於春間  
故另立風溫門

診尺膚熱甚脈盛躁者病溫也 夫精者身之本也故

藏於精者春不病溫

針灸凡治溫病可刺五十九穴 成註云所謂五十九

穴者刺兩手內外側各三凡十二痛五指間各一凡八

痛足亦如之頭八髮際一寸傍三分各三凡六痛巔上

一顙會一髮際一廉泉一風池二天柱一

內經云氣口  
靜人迎躁者

取之若氣口人迎皆靜者勿  
刺也人迎謂結喉動脈也

王太僕註素問五十九



刺云刺頭上五行五行者所以越諸陽之熱逆也

謂頭中行

上星顙會前頂有會後頂五穴頭第二行兩傍五穴承光通天如玉枕十穴第三行兩傍臨泣目窓正營承

靈腦空十穴也

大杼膺俞缺盆背俞此八者以瀉胸中之熱

也 氣街三里目虛上下兼此八者以瀉胃中之熱也

雲門髃骨委中髓空此八者以瀉四肢之熱也 五

藏命傍五此十者以瀉五藏之熱也

謂背第五行兩傍鬼戶神堂臑門意

合志室十穴也

附

雲傷寒汗下不愈而過經其證尚在而不除者亦溫病也經曰溫病之脈行在諸經不知何經之動隨其經之所在而取之如太陽證汗下後過經不愈診得尺寸俱浮者太陽溫病也如身熱目痛汗下後過經不愈診得尺寸脈俱長者陽明溫病也如胸脇汗下後過經不愈診得尺寸脈俱弦者少陽溫病也如腹滿噎乾診得尺寸脈俱沈細過經不愈者太陰溫病也如口燥舌乾而渴診得尺寸俱微緩過經不愈者厥陰溫

病也是故隨其經而取之隨其證而治之如發斑乃溫毒也

汪愚謂溫與熱有輕重之分故仲景云若遇溫氣則為溫病更遇溫熱則為溫毒熱比溫為尤重故也苟但冬傷於寒至春而發不感異氣名曰溫病此病之稍輕者也溫病未已更遇溫氣變為溫病亦可名曰溫病此病之稍重者也傷寒例以再遇溫氣名曰溫疫又有不應冬月傷寒至春而病溫者此特感春溫之氣可名曰春

溫如冬之傷寒秋之傷濕夏之中暑相同也以此觀之  
是春之病溫有三種不同有冬傷於寒至春發為溫病  
者有溫病未已更遇溫氣則為溫病與重感溫氣相雜  
而為溫病者有不因冬傷於寒不因更遇溫氣只於春  
時感春溫之氣而病者若此三者皆可名為溫病不必  
各立名色只要知其病源之不同也

升麻解肌湯 治傷寒溫病天行頭痛壯熱

葛根 一兩

麻黃

去節湯炮  
七錢半

黃芩

芍藥

各半兩

桂心

甘草

炙各二錢半

右咬咀每服四錢水一盞半棗一枚煮八分服日三  
三四日不解脈浮者宜重服取汗脈沈實者宜下之  
升麻葛根湯 治大人小兒時氣瘟疫頭痛發熱及瘡  
疹已發未發皆可服之

升麻

芍藥

甘草

各二錢半 乾葛 三錢

右作一服水二鍾生薑三片煎至一鍾不拘時服

柴胡升麻湯

治時行瘟疫壯熱惡風頭痛體疼鼻塞

咽乾咳嗽涕唾稠粘

柴胡

去苗

乾葛

荊芥

去梗

赤芍藥

石膏

各半錢

前胡

去苗

升麻

桑白皮

黃芩

各一錢

右作一服水二鍾生薑三片豆豉二十粒煎至一鍾

不拘時服

三黃石膏湯

石膏

四錢黃芩

黃連

各二錢

黃礬

山梔仁

各一錢五分

香豉

百粒麻黃

二錢若天寒用三錢

甘草

一錢

右作一服用水二鍾煎至一鍾濾清通口服以衣被覆取汗而愈

夏為暑病

按中暍中暑中熱名雖不同實一病也若冬傷於寒至夏而變為熱病者此則過時而發自內達表之病俗謂晚發是也又非暴中暑熱新病之可比或曰新中暑病脈虛晚發熱病脈盛

暍病治法有清熱有解肌

太陽中熱者喝是也其人汗出惡寒身熱而渴也

成汗出惡

寒身熱而不渴者中風也汗出惡寒身熱而渴者中喝也

白虎湯

太陽中喝者發熱

惡寒身重而疼痛其脈弦細訖遲小便已灑灑然毛聳

手足逆冷小有勞身即熱口開前板齒燥若發汗則惡

寒甚加溫針則發熱甚數下之則淋甚

成病有在表有在裏者有表裏

俱病者此則表裏俱病者也發熱惡寒身重疼痛者表中喝也脈弦細訖遲者中暑脈虛也小便已灑灑然毛

聳手足逆冷者太陽經氣不足也小有勞身即熱者謂勞動其陽而喝即發也口開前板齒燥者重有熱也內

經曰因於暑汗煩則喘喝口開謂喘喝也以喘喝不止故前板齒乾燥若發汗以去表邪則外虛陽氣故惡寒



甚若以溫針助陽則火熱內攻故發熱甚若下之以除裏熱則內虛而膀胱燥故淋甚 徐氏曰此條無治法

東垣以清暑益氣湯主之所謂發千古之秘也

太陽中暍者身熱疼重而脈

微弱此亦夏月傷於水水行皮中所致也

成經曰脈虛身熱得之傷

暑身熱脈微弱者暍也身體疼重者水也夏時暑熱以水灌溉而得之 瓜蒂一物散或云五苓散

中暍與傷寒相似而異張氏曰清邪中上濁邪中下其

風寒濕者皆地之氣係濁邪所以俱中足經惟暑乃天之氣係清邪所以中手少陰心經也其證多與傷寒相似但暍與傷寒脈不同耳夫傷寒雖惡寒發熱初病未

至於煩渴惟暑則不然初病即渴所以與傷寒為異也  
且傷寒之脈必浮盛中暑之脈虛弱或弦細訖遲者有  
之經曰脈盛身寒得之傷寒脈虛身熱得之傷暑此之  
謂也假如太陽病項背強几几反汗出惡風若當炎暑  
之時豈不與中暍相似惟其不渴故與桂枝加葛湯主  
之凡居夏秋之令炎暑之時必當依經詳審則無差失  
之患矣 汪以證言之傷寒惡寒傷熱惡熱以脈言之  
傷寒脈盛傷暑脈虛且暑脈虛細與濕痺之脈有相似

者而其證則不同暑則自汗而渴濕則不渴痙則身疼也

脈洪身熱惡寒為熱病活人云夏月發熱惡寒頭疼身體肢節痛重其脈洪盛者熱病也冬傷於寒因暑氣而發為熱病治熱病與傷寒同有汗宜桂枝湯無汗宜麻黃湯加煩燥者宜大青龍湯然夏月藥性須帶涼不可大溫桂枝麻黃大青龍須用加減夏至前桂枝加黃芩半兩夏至後桂枝麻黃大青龍加知母一兩石膏二兩

或加升麻半兩蓋桂枝麻黃湯性熱及煖處非西北之比夏月服之必有發黃斑出之失熱病三日外與前湯不瘥脈勢仍數邪氣猶在經絡未入藏府者桂枝石膏湯主之此方夏至後代桂枝證用若加麻黃一兩可代麻黃青龍證用也若三月至夏為晚發傷寒梔子升麻湯亦可選用之

萬歷癸卯興化李氏一壻應舉子南京時方盛暑傷寒一太學生新讀仲景書

自詔知醫投以桂枝湯入腹即斃大抵麻桂二湯乃隆冬正傷寒之藥施之溫病尚不可況熱病乎

桂枝石膏湯

治法見前論有汗脈緩為桂枝證無汗

脈緊為麻黃青龍證

桂枝

去麋皮

黃芩

各半兩

梔子

三錢

白芍藥

升麻

乾葛

生薑

以上各七錢半

石膏

碎

甘草

炙各一兩

右咬咀每服五錢半水一盞半煮至八分去渣食頃

再服若得汗即停後服

梔子升麻湯 治晚發傷寒三月至夏為晚發

生地黃

切碎半斤

梔子

十枚擘

升麻

一兩半

柴胡

石膏

各二兩半

咬咀每服五錢水一盞半煎八分頓服病不解更作  
吳自夏至以後時令炎暑有人壯熱煩渴而不惡寒者  
乃熱病也凡脈浮洪者發於太陽也洪而長者陽明也  
弦而數者少陽也然此發在三陽為可治若脈沈細微  
小足冷者發在三陰為難治也大抵熱病大熱須得脈  
洪大有力或滑數有力乃為脈病相應為之可治若小  
弱無力為之難治若人虛脈弱者宜以人參湯與之而  
扶其元氣也不可以攻其熱如脈洪身疼壯熱無汗煩

亂者宜六神通解散發汗則愈或人參羌活散加葛根  
淡豆豉生薑以汗之輕者只用十味芎蘇散汗之亦佳  
如夾暑加香薷扁豆雙解之若兼有內傷生冷飲食停  
滯或嘔吐惡心中脘痞悶或惡風或憎寒拘急者宜藿  
香正氣散加香薷扁豆葛根以發汗名二香湯也若發  
寒熱不解者在太陽經宜用人參羌活散加黃芩在陽  
明經宜用升麻葛根湯加黃芩熱甚燥渴脈大者白虎  
湯加人參主之在少陽宜用小柴胡湯隨證增損治之

若夾暑者加黃連香薷主之若熱而大便自利小便不利煩渴者五苓散去桂加葛根黃連香薷滑石之類主之若表裏俱熱而自利脈浮數而小便不利者小柴胡湯合四苓散主之若其不解或傳經變證或裏實可下或陰寒可溫或發斑黃等證皆從正傷寒條內治之也凡熱病一二日泄利腹滿熱甚者死三四日目昏譫語熱盛而脈小者死四五日熱盛脈小足冷者死五六日汗不出嘔吐譫語昏沈脈急促者死六七日舌本焦黑



燥者死七八日衄血吐血躁熱脈大者死九日發瘕瘵  
搦昏亂者死凡熱病脈促結代沈小皆難治也熱病不  
得汗而脈躁急者死已得汗而熱反盛脈躁急者死也  
脈虛身熱惡寒為中暑治法方論詳雜病本門及後條  
脛冷腹滿頭痛渴而無熱者濕溫活人云濕溫者兩脛  
逆冷胸腹滿多汗頭痛妄言其人常傷於濕因而中暑  
濕熱相搏則發濕溫其脈陽濡而弱陰小而急治在太  
陽不可發汗汗出必不能言耳聾不知痛所在身青面

色變名曰重暈如此死者醫殺之耳白虎加蒼朮湯主之

許癸丑年故人王彥龍作毗陵倉官季夏時病胸項多汗兩足逆冷諺語醫者不曉雜進藥已經旬日予診之其脈關前濡關後數予曰當作濕溫治之蓋先受暑後受濕暑濕相搏是名濕溫先以白虎加人參湯次白虎加蒼朮湯頭痛漸退足漸溫汗漸止三日愈此名賊邪誤用藥有死之理有人難曰何名賊邪予曰難經云五

邪有實邪虛邪正邪微邪賊邪從後來者為虛邪從前  
來者為實邪從所不勝來者為賊邪從所勝來者為微  
邪自病者為正邪又曰假令心病中暑為正邪中濕得  
之為賊邪今心先受暑而濕邪勝之水尅火從所不勝  
斯謂之賊邪五邪之中最逆也難經曰濕溫之脈陽濡  
而弱陰小而急濡弱見於陽部濕氣搏暑也小急見於  
陰部暑氣蒸濕也故經曰暑濕相搏名曰濕溫是謂賊  
邪也子素有停飲之疾每至暑月兩足汗漿漿未嘗乾

每服此藥二三盞即愈

海濕溫汗少者白虎加蒼朮汗多者白虎加桂枝

白虎加桂

枝方  
見後

孫保慶門外有酒家姓姜者善歌唱孫愛之忽數日不見使人問之則曰病久將命絕孫診之遍身皆潤兩足冷至膝下腹滿不省人事六脈皆小弱而急問其所服藥取而視之皆陰病藥也孫曰此非受病重藥能重病耳遂用五苓散白虎湯十餘貼病少甦再服全愈姜氏

既安詣孫謝因請問曰某得病劇蒙尚藥一治而甦願  
聞治法孫曰汝病傷暑也始則陽微厥而脈小無力衆  
醫謂陰病遂用陰藥其病愈厥予用五苓散大利小便  
則腹減白虎解利邪熱則病愈凡陰病脛冷兩臂亦冷  
汝今脛冷臂不冷則非下厥上行所以知是陽微厥也  
保立夏之後至立秋處暑之間傷寒者身多微涼自  
汗四肢沈重謂之濕溫蒼朮石膏湯主之  
即白虎加  
蒼朮湯

蒼朮石膏湯方

蒼朮半兩 石膏三錢 知母二錢 甘草一錢

右㕮咀水一盞煎至半盞溫服謂內有濕也多不欲  
飲水如身熱脈洪無汗多渴者熱在上焦積於胸中

宜桔梗散

此非濕溫病  
乃熱病也

桔梗散方

薄荷

黃芩

甘草

梔子

各一錢

連翹

二錢

桔梗

三錢

右剉每服五錢水煎加竹葉如大便澁加大黃半兩

脈虛身熱得之傷暑劉純曰按許學士云傷暑其脈弦細孔遲何也內經曰寒傷形熱傷氣蓋傷氣而不傷形則氣消而脈虛弱所謂弦細孔遲皆虛脈也仲景以弦為陰而朱肱亦曰中暑脈細弱則皆虛脈也可知矣

暑證有冒有傷有中戴氏曰冒傷中三者輕重之分或腹痛水泄胃與大腸受之惡心者胃口有痰飲此二者

冒暑也可用黃連香薷飲

黃連退熱香薷消暑

或身熱頭疼躁

亂不寧者或身如針刺者此為熱傷肉分當以解毒白

虎湯加柴胡氣虛加人參 或咳嗽發寒熱盜汗不止  
脈數者熱傷肺經火乘金也此為中暑宜用清肺湯柴  
胡天水散之類

夏月伏陰在內丹溪曰夏月陽氣盡出於地人之腹屬  
地氣於此時浮於肌表腹中虛矣夏月伏陰在內此陰  
字有虛之義若作陰冷看誤矣前人治暑有用大順散  
溫熱藥者蓋以涼亭水閣寒泉冰雪所傷也非為伏陰  
而用火令之時燂石流金有何陰冷孫真人令人夏月



服生脈散非虛而何 劉氏曰潔古謂靜而得之為中

暑動而得之為中熱東垣謂避暑於深堂大廈得之曰中暑宜大順散勞役得之曰中熱宜蒼朮白虎湯夫暑熱一也夏令之氣也靜居堂廈而病乃夏月傷冷之病何以中暑而求別於中熱耶 王氏曰竊謂暑熱者夏

之令也火行於天地間人或勞役或飢餓元氣虧乏不足以禦天令亢極於是受傷而為病名曰中暑亦名曰中熱其實一也今乃以動靜所得分之何哉夫中暑者

固多在勞役之人勞役則虛虛則邪入邪入則病不虛則天令雖亢亦無由以傷之類避暑於深堂大厦得頭疼惡熱等證者蓋亦傷寒之類耳不可以中暑名之其所以煩心與肌膚大熱者非暑邪也身中陽氣受陰寒所遏而作也既非暑邪豈可以中暑名乎苟欲治之則辛溫輕揚之劑發散可也夫大順散一方甘草最多乾薑杏仁肉桂次之除肉桂外其三物皆炒其初意本為病者伏熱引飲過多脾胃受濕嘔吐水穀不分藏府不

調所立故甘草乾薑皆火炒又肉桂而非桂枝蓋溫中藥也其杏仁不過取其能下氣耳若以此藥治靜而得之之證吾恐不能解表反增內煩矣今世俗往往不明類曰夏月陰氣在內大順散為必用之藥夫陰氣非寒氣也蓋夏月陽氣發散在外而陰氣則在內耳豈空視陰氣為寒氣而用溫熱之藥乎陰果為寒何以夏則飲水乎其蒼朮白虎湯雖宜用然亦豈可視為通行之藥乎必參之治暑諸方隨所見之證而用之然後合理夫

所謂靜而得之證雖暑月即非暑病宜分出之勿使後人有似同而異之忽

暑傷五藏為證不同陳氏曰暑入心則噎悶昏不知人入肝則眩暈頑痺入脾則昏睡不覺入肺則噴滿痿躄入腎則消渴徐氏曰暑暍之證變異不等非止歸五藏蓋人之形氣有虛實感有輕重輕則後時而發至秋成癰痢是也重則即時而發如以上證至有輕變重重變輕亦自感有淺深傳有兼併況人之形志苦樂不一

豈得無變異乎四時之證皆然

暑病宜補元氣東垣曰脾胃虛弱遇六七月濕旺汗泄  
身重短氣四肢痿軟脚軟眼黑此腎與膀胱俱竭之狀  
也況肝大泄則亡津液津者庚大腸所主三伏庚金受  
囚木無可制故風濕相搏骨節煩疼也夫壬膀胱已絕  
於巳癸腎水已絕於午今更逢濕旺助熱為邪西北方  
之寒清絕矣聖人立法夏宜補者為熱傷元氣以人參  
麥門冬五味滋水之源瀉內火補庚金益元氣也

中暑發為痿厥諸證東垣曰長夏濕熱蒸人損傷元氣  
四肢困倦精神短少兩脚痿軟遇早晚之際則發寒厥  
日高之後復熱如火乃陰陽氣血俱不足也或心胸痞  
滿肢節沈痛或氣高而喘身熱而煩小便黃而少大便  
溇而頻或利或渴自汗體重此血先病而氣不病也若  
濕氣先搏脈必洪緩而遲病雖互換少差其天暑濕令  
則一宜以清燥之劑治之或遠行大熱而渴則熱舍於  
腎故水不勝火發為骨痿此濕熱成痿也或熱厥而陰

虛或寒厥而氣虛四肢如火為熱厥四肢寒冷為寒厥  
寒厥腹中有寒熱厥腹中有熱為脾主四肢故也 徐  
氏曰此論暑熱證候則同冬月傷寒傳變為證之不一  
彼為寒傷形此為熱傷氣若元氣虛甚受病忽於一時  
不救者與傷寒陰毒頃刻害人實同故東垣啟是病例  
大開後人之盲瞶也宜與痿門互看

暑風賈氏曰此由火熱制金不能平木搖搦不省人事  
其脈虛浮浮者風也虛者暑也俗名暑風乃相火甚而

行令也先以溫水化蘇合香丸次以黃連香薷飲加羌活或雙解散加香薷尤良

治暑大法賈氏曰暑者相火行令也人感之其脈虛外證頭痛口乾面垢自汗倦怠或背惡熱甚者迷悶不省而為霍亂吐利痰滯嘔逆腹痛泄利下血發黃生斑皆是其證治法清心利小便為上汗多者不可利宜白虎湯次分表裏以治如在表頭痛惡寒雙解加香薷及二香散十味香薷散如在半表半裏瀉泄煩渴飲水吐逆



五苓散熱甚煩渴益元散若表解裏熱宜半夏解毒湯  
下神芎丸或老人及素弱人冒暑脈微下利渴而喜溫  
或厥冷不省人事宜竹葉石膏湯加熟附半箇冷飲次  
以來復丹五苓散治之凡夏月暑證不可服諸熱燥劑  
致斑毒發黃小便不利悶亂而死矣 徐氏曰此言治  
暑之法可謂詳備然於暑風相火為病而用蘇合香丸  
至用雙解皆當審諦脈證不可差失詳蘇合丸但可用  
於陰寒所遏或內傷生冷及氣中或中惡者此等又不

可謂暑風相火之證矣學者審之 陶氏曰中暑脈虛而伏身熱背惡寒面垢自汗煩燥大渴毛聳惡寒昏冒倦怠而身不痛與傷寒諸證不同內外俱熱口燥煩渴四肢微冷而身不痛用白虎湯 痰逆惡寒橘皮湯熱悶不惡寒竹葉石膏湯 頭痛惡心煩燥心下不快小便不利五苓下消暑丸 中暑用小柴胡湯最良

證治準繩卷五十

欽定四庫全書

子部

證治準繩卷五十一

詳校官太醫院吏目臣周世纂

編修臣倉聖脈覆勘

總校官進士臣朱 鈐

校對官中書臣吳 俊

謄錄監生臣朱上林

欽定四庫全書

證治準繩卷五十一

明 王肯堂 撰

傷寒

瘧

秋為瘧

夏傷於暑秋必病瘧 脈陰陽俱盛重於陰者變為溫

瘧 凡傷寒壞病前熱未除其脈陰陽俱盛重感寒邪

變為溫瘧也寒熱往來口苦胸脇滿者小柴胡湯加芍藥少加桂枝主之若熱多者倍用柴胡寒多者倍用桂枝若熱甚而煩渴人參白虎湯少加薄桂主之若單熱無寒者不用桂也但有寒必少佐之如熱多者小柴胡湯合白虎湯主之痰多而熱者小柴胡合二陳湯主之若食少胃弱者加白朮心下痞加枳實黃連脈虛者必倍人參口渴者去半夏加括蕒根主之若邪熱蘊結於裏大便秘實脈滑大有力者以大柴胡湯下之若變瘧

已正宜於雜病中求之

一歲長幼疾狀相似為疫

春應暖反寒夏應熱反涼秋應涼反熱冬應寒反溫此非其時而有其氣是以一歲之中長幼之病多相似者為時行疫病也 按說文民皆疾為疫從疒役聲今省作殳爾釋名厲礪也病氣流行中人如磨礪傷物也疫役也多有鬼行役役不住也後人有溫疫寒疫時氣大頭傷寒等名其實皆疫也俗謂之瘟病即溫病之訛而

名實清矣 按傷寒例云傷寒病熱未已再遇風寒濕而各變為一病也何至於溫既曰再遇溫熱變為溫毒矣又曰再遇溫氣變為溫疫是獨溫之再遇而有二病之異且疫者特感非時之氣衆人病一般也如冬應寒而反大溫人感冬溫而病則所謂溫疫如春夏應溫熱而反大寒人感暴寒而病則所謂寒疫也何待再過於異氣耶茲云再遇溫氣變為溫疫是傷寒再遇異氣而變病也再遇異氣而變病未必衆人病相似安可以疫

言傷寒例云陽氣濡弱陰脈弦緊此溫疫之脈也活人  
書注此脈於冬溫條下是以溫疫冬溫合為一病殊不  
知冬溫特感非時之氣耳溫疫是傷寒再遇於異氣也  
豈可合為一病耶此理未明故書此以俟明哲愚謂感  
溫熱而為溫毒感溫氣而為溫疫此乃有微甚之分但  
疫字疑誤恐當作疾字若作疫字則冬溫又何一家長  
幼病相似也一家病相似方可言疫況此傷寒病熱未  
已再遇溫氣而病何至於一家傳染病相似哉



溫疫陽脈濡弱陰脈弦緊者更遇溫氣變為溫疫以此

冬傷於寒發為溫病脈之變證方治如說

成此前熱未已又感溫氣

者也溫熱相合變為溫疫

丹衆人病一般者天行時疫也有宜補宜散宜降

大黃 黃芩 黃連 人參 桔梗 防風

滑石 香附 蒼朮 人中黃

右麴糊為丸每服五七十九分氣血痰作湯使送下

氣虛者四君子湯送下血虛者四物湯送下痰多者

二陳湯送下熱甚者用童便和前藥同送下

本糞清臘月截淡竹去青皮浸滲取汁治天行熱狂熱  
疾中毒并惡瘡草毒取汁浸皂角甘蔗治天行熱疾  
丹解一切災病用粉草五兩細切微炒量病人吃得多  
少酒取無灰酒一處研去滓溫服須臾大瀉毒亦隨出  
雖十分渴亦不可飲水飲水難救

柴胡石膏湯 治時行溫疫壯熱惡風頭痛體疼鼻塞  
咽乾心胸煩滿寒熱往來痰實咳嗽涕唾稠粘

柴胡

石膏煨

赤芍藥

前胡

乾葛

各十兩

升麻

二十兩

黃芩

桑皮

各三十兩半

荊芥穗

三十兩

右咬咀每服五錢水一盞生薑三片豆豉十餘粒同煎七分去滓熱服小兒分三次更量大小加減不拘時候

右三方熱多裏多者宜之

按溫疫之治與傷寒陽證相同然經所謂溫疫者即溫病也宜參溫病條處之

寒疫活人云一歲之中病無長幼率相似此則時行之氣俗謂之天行是也老君神明散務成子螢火丸聖散子敗毒散不拘日數淺深吐下隨證施行所以聖散子不問陰陽表裏也

老君神明散

白朮 一錢

桔梗 二錢  
半

附子 炮去  
黑皮

細辛 各一  
兩

烏頭 四兩 炮  
去皮尖

右五味為麤末縫絹袋盛帶之居閭里皆無病若有

疫癘者溫酒服方寸匕覆取汗得吐則瘥若經三四日抄三寸匕以水一碗煮令大沸分三服

聖散子 蘇內翰序全文見活人書時毒流行用聖散子者一切不問陰陽之感連服取瘥不可與傷寒比也若疾疫之行平旦輒煮一釜不問老幼良賤各一盞即時氣不入

草豆蔻 十箇麩裏煨去皮 猪苓 去皮 石菖蒲 茯苓

良薑 獨活 去蘆 附子 炮製去皮臍 麻黃 去根 厚朴 去皮薑製

藁本 芍藥

枳殼 剉炒 去穢 澤瀉

細辛

防風 去叉 蘆

白朮

藿香

半夏

吳茱萸 湯洗

蒼朮

甘草 各半 兩 柴胡 各半 兩

右咬咀每服五錢水一盞半煎取八分去滓熱服餘渣再煎空心服之

右二方治疫寒多表多者宜之

按寒疫之證必與傷寒陰證同乃可用前熱藥至謂不問陰陽表裏無不取効決無此理後世以過信蘇

長公故施聖散子殺人如麻者屢矣嗟乎可不慎哉  
吳寒疫乃天之暴寒為病也凡四時之中天令或有暴  
風寒之作人感冒而即病者名曰寒疫也其證與正傷  
寒同但暴寒為輕耳治法若初作頭疼憎寒拘急或嘔  
逆惡心中脘痞悶或飲食停滯不化或腹中作痛未發  
熱者宜藿香正氣散增損一二味主之若已發熱者宜  
用十味芎蘇散汗之若身痛骨節疼而發熱者宜人參  
羌活散加蔥白葛根生薑以汗之或神朮湯亦可若有

自汗不宜再汗之宜九味羌活湯主之若熱不解或變別證宜從正傷寒條內治之也

龐病源載從立春節後其中無暴大寒又不冰雪而人有壯熱病者此屬春時陽氣發外冬時伏寒變為溫病也從春分以後至秋分節前天有暴寒皆為時行寒疫也三月四月或有暴寒其時陽氣尚弱為寒所折病熱猶輕五月六月陽氣已盛為寒所折病熱則重七月八月陽氣已衰為寒所折病熱亦微其病與溫病暑病相



似但治有殊耳其治法初用摩膏火灸唯二日法鍼用  
崔文行解散汗出愈不解三日復發汗若大汗而更不  
解者勿復發汗也四日服藜蘆丸微吐愈若用藜蘆丸  
不吐者服赤小豆瓜蒂散吐之已解視病尚未了者  
復一法鍼之當解不解者六日熱已入胃乃與雞子湯  
下之愈百無不如意但當諦視節度與病耳食不消病  
亦如時行俱發熱頭痛食病當速下之時病當待六七  
日下之時病始得一日在皮二日在膚三日在肌四日

在胸五日入胃乃可下也熱在胃而下外之熱乘虛而入胃然要當復下之不得下多致胃爛發斑者赤斑出五死一生劇者黑斑出十死一生人有強弱相倍也病者過日不時下之熱不得泄亦胃爛斑出矣若得病無熱但狂言煩燥不安精神言語不與人相主當者治法在可水五苓散證中 此巢氏載若時行寒疫之法云與溫病暑病相似但治有殊者據溫病無摩膏火灸又有冬溫瘡豆更有四時藏府陰陽毒又夏至後有五種

熱病時令盛暑用藥稍寒故治有殊也

崔文行解散 治時氣不和傷寒發熱

桔梗

細辛

各四兩

白朮

八兩

烏頭

一斤

細末傷寒服一錢五銖匕不覺復小增之以知為度  
若時氣不和只服一錢五銖匕辟惡欲省病一服了  
去此時行寒疫通用之無病預服以辟寒為佳皆酒  
調下

藜蘆散

辟溫疫

即千金赤散

藜蘆

躑躅

乾薑

各一兩

牡丹皮

皂角

各一兩六銖

細辛

十八銖

附子

桂枝

朱砂

另研細各六兩

末之絳囊中帶一方寸匕男左女右臂上著之覺有病之時更以粟米大內鼻中酒服一錢匕覆取汗日再服

赤小豆瓜蒂散

方見上

雞子湯

治時氣熱盛狂語欲走

生雞子

七枚

芒硝

一兩

右用井花水一大升內二味同攪千遍去沫頓服之  
快利為度

禦法雄黃丸 治疫不相染

雄黃

一兩研

赤小豆

炒熟研

丹參

鬼箭羽

各二兩

右為細末煉蜜為丸如桐子大每日空心以溫水下  
五丸可與病人同牀共衣亦不相染

活務成子螢火丸 主辟疫疾惡氣百鬼虎狼蛇虺蜂  
蠆諸毒五兵白刃盜賊凶害皆辟之

螢火

鬼箭羽 去皮

蒺藜 各一兩

雄黃

雌黃 各二兩

礬石 一兩燒汁盡

麝羊角

鍛竈灰

鐵錘柄

入鐵處燒焦各一兩半

右九味搗為散以雞子黃并雄雞冠一具和之如杏仁大作三角縫囊盛五丸帶左臂上仍可掛於門戶治時疫不相傳染方

用水磨雄黃塗於鼻上或以明雄黃一塊重五錢以絹帛包繫頭頂心亦妙一方或以上好香油塗鼻

中亦可

一方以桃樹葉上蟲搗爛以涼水調服之

亦可

一方以赤小豆同糯米浸水缸內每日取水

用之

一方用貫仲浸水用之

四時非時之氣時氣者乃天疫暴厲之氣流行凡四時之令不正者乃有此氣行也若人感之則長幼相似而病及能傳染於人其作與傷寒相似蓋傷寒因寒而得之此乃疫氣不可與寒同論也治法要當辟散疫氣扶正氣為主若多日不解邪熱傳變何證宜從傷寒變證

條內詳而用之惟發散之藥則不同矣凡發散湯劑藿香正氣散芫芷香蘇散十神湯人參敗毒散十味芎蘇等方皆可選而用之也

春溫 活人曰春應溫而清氣折之責邪在肝或身熱頭疼目眩嘔吐長幼率相似升麻葛根湯解肌湯四時通用敗毒散 陶氏曰交春分後至夏至前不惡寒而渴者為溫病用辛涼之藥微解肌不可大發汗急證見者用寒涼之藥急攻下不可誤汗誤下當須



識此表證不與傷寒同治裏證同

夏溫 活人曰夏應暑而寒氣折之責邪在心或身熱

頭痛腹滿自利長幼率相似理中湯射干湯半夏桂

甘湯 陶氏曰交夏至後有頭疼發熱不惡寒而渴

此名溫病愈加熱者名熱病止用辛涼之藥解肌不

宜太汗裏證見急攻下表證不與正傷寒同治裏證

治法同

秋溫 活人曰秋應涼而大熱抑之責邪在肺濕熱相

搏民多病瘧咳嗽喘金沸草散白虎加蒼朮湯病瘧  
發黃茵陳五苓散 陶氏曰交秋至霜降前有頭疼  
發熱不惡寒身體痛小便短者名濕病亦用辛涼之  
藥加躁以解肌亦不宜汗裏證見者宜攻下表證不  
與正傷寒同

冬溫 活人曰冬應寒而反大溫折之責邪在腎宜姜  
蕤湯

丹溪云冬溫為病非其時而有其氣者冬時嚴寒君

子當閉藏而反發泄於外專用補藥帶表藥

作人中黃方 用竹筒兩頭留節一節中作一竅內甘

草於中仍以竹木釘塞其竅冬月置大糞缸內浸一

月取出晒乾用治溫毒

用此藥一味入補藥帶表同煎服之

活人曰仲景云冬溫之毒與傷寒大異蓋傷寒者傷寒氣而作冬溫者感溫氣而作寒疫者暴寒折人非觸冒之過其治法不同所施寒熱溫涼之劑亦異不可拘以日數發汗吐下隨證施行要之治熱以寒溫而行之治

溫以清冷而行之治寒以熱涼而行之治清以溫熱而行之以平為期不可以過此為大法

神効沃雪湯

附

治傷寒陰陽二證未辨時行疫癘惡氣

相傳服之如湯沃雪此藥功力不可具述

蒼朮

堅者炮刮去皮

乾薑

炮製

甘草

炙各六兩

厚朴

去皮薑製

防風

嫩者

白芍藥

去皮

乾葛

各四兩

右咬咀每服四錢水二鍾煎至一鍾去滓熱服之不拘時少頃取生薑葱作羹投之避風坐卧身體微潤

即愈如疫氣正相傳染清晨進一服為佳常服每用  
二錢水一盞煎至八分服

多眠多汗脈浮為風溫

陽脈浮滑陰脈濡弱者更遇於風變為風溫

此前熱未歇又感於

風者也難經曰中風之脈陽浮而滑陰濡而弱風來乘熱故變風溫

若發汗已身灼熱者名曰風溫風溫為病脈陰陽俱浮  
自汗出身重多眠睡鼻息必鼾語言難出若被下者小  
便不利直視失溲若被火者微發黃色劇則如驚癇時

瘕瘕若火熏之一逆尚引日再逆促命期

已成傷寒發汗已則身涼若

發汗已身灼熱者非傷寒為風溫也風傷於上而陽受風氣風與溫相合則傷衛脈陰陽俱浮自汗出者衛受邪也衛者氣也風則傷衛溫則傷氣身重多眠睡者衛受風溫而氣昏也鼻息必鼾語言難出者風溫外甚而氣擁不利也若被下者則傷藏氣太陽膀胱經也內經曰膀胱不利為癰不約為遺溺癰者小便利也太陽之脈起目內眥內經曰瞳子高者太陽不足戴眼者太陽已絕小便不利直視失溲為下後渴津液損藏氣風溫外勝經絡欲絕也為難治若被火者則火助風溫成熱微者熱瘵而發黃劇者熱甚而生風如驚癇而時瘕瘕也先魯被火為一逆若更以火熏之是再逆也一逆尚猶延引時日而不愈其再逆者必致危殆故云促命期

附

活風溫者脈尺寸俱浮頭疼身熱常自汗出體重其息  
必喘四肢不收嘿嘿但欲眠治在少陰厥陰不可發汗  
發即譫語獨語內煩燥不得卧若驚癇目亂無精如此  
死者醫殺之耳 風溫忌發汗宜萎蕤湯身灼熱者知  
母乾葛湯如渴甚者括萎根湯脈沈身重汗出者漢防  
已湯

萎蕤湯

治風溫兼療冬溫及春月中風傷寒發熱頭

眩疼喉咽乾舌強胸內疼痞腰背強

葛根

白芷

麻黃

用沸湯泡

杏仁

去皮尖雙仁者

甘草

炙各半兩

姜蕤

七錢半

石膏

杵碎

羌活

去蘆各一兩

川芎

三錢

青木香

一錢

右咬咀每服五錢水一盞半煎半鍾日三四服

又方

姜蕤

白薇

麻黃

獨活

杏仁

川芎

青木香

甘草

各一兩

石膏

三兩



右咬咀以水八升煮取三升去滓分三服取汗若一寒一熱加朴硝二錢半大黃三兩下之如無木香可用麝香一分小品方云姜蕤湯治冬溫春月中風傷寒則發頭腦疼痛咽喉乾舌強肉疼心胃痞滿腰背強

知母乾葛湯 治風溫身體灼熱甚者

知母

姜蕤

錢各三

天南星

生麻黃

去根節

防風

杏仁

羌活

錢各二

甘草

黃芩

木香

升麻

人參

川芎

錢各一

石膏

六錢

葛根 八錢

右咬咀每服五錢水一盞半煎至一盞去滓服

防已湯

治風溫脈浮身重汗出

一方無人參

防已

四兩

甘草

炙

黃芪

蜜炙

人參

各一兩

生薑

二兩

白朮

三兩

右咬咀每服五錢水一盞半煮取一中盞去滓飲訖

仍坐被中汗出如蟲行或被卧取汗出

許學士云風溫誤汗用防已黃芪湯救之

括蔞根湯

治風溫灼熱大渴

石膏

人參

乾葛

各二錢

括蔞根

三錢

防風

知母

各一錢半

甘草

一錢

右作一服水二鍾煎至一鍾通口服渣再服

葛根龍膽湯

治風溫脈弱身重汗出

石膏

五分

甘草

七分

龍膽草

桂枝

各一錢無汗不用

白芍藥

大青

各一錢半

葛根

升麻

各二錢

姜豉

三錢

生薑

三片

右煎服法同前

海治風溫活人本方萎蕤湯以有麻黃不敢用宜白朮

湯主之

方見前太陽病發熱條

若頭眩汗出筋惕肉瞤者加牡

蠣

若腰背強鞭者加羌活

若舌乾發渴者加人參

若身灼熱甚者加知母

若身體重多汗者加黃芪

若內傷冷者不加

一身盡痛為濕

成濕有數種有濕痺者痺者痛也濕則關節疼但當利

其小便者是也有寒濕相搏其證但頭汗出背強欲得被覆向火者是也有風濕相搏者一身盡痛法當汗出而解者是也有頭中寒濕此中之淺者故鼻塞納藥鼻中者是也有先濕而後感風者身痛發熱日晡劇者此名風濕者是也太陽家病與太陽相似其不同者有脈沈而細者是也瘕家脈亦沈而細疑若相似答曰脈雖相似而證有異濕則身疼瘕則身不疼也

脈法脈經曰沈而緩沈而細皆中濕 脈大或脈浮虛

而濇者皆寒濕 脈來滑疾濕熱 脈洪而緩陰陽兩

虛濕熱自甚 脈浮風濕 趙氏曰仲景論風濕之脈

浮虛而濇夫浮者風也濇者濕也脈經亦曰脈來甚者  
為病寒濕也活人書以一浮脈為風濕之診浮可言風  
不可言濕當從仲景浮虛而濇可也

風濕病者一身盡疼發熱日晡所劇者此名風濕此病

傷於汗出當風或久傷取冷所致也

成一身盡疼者濕也發熱日晡所劇

者風也若汗出當風而得之者則先客濕而後感風若  
久傷取冷得之者則先傷風而後中濕可與麻黃杏仁

薏苡仁  
甘草湯

麻黃杏仁薏苡仁甘草湯方

麻黃

去節

薏苡仁

各半兩

甘草

炙二錢半

杏仁

十枚去皮尖炒

水三盞煎至一盞半去滓分二服避風取微汗

風濕相搏傷寒八九日風濕相搏身體疼煩不能自轉側不嘔不渴脈浮虛而濇者桂枝附子湯主之

以散表風濕

若大便鞭小便自利去桂加白朮湯此條妙在脈浮虛而濇脈若沈實滑大數者非也

風濕相

搏一身盡疼痛法當汗出而解值天陰雨不止醫云此

可發汗汗之病不愈者何也答曰發其汗汗大出者但

風氣去濕氣在是故不愈也若治風濕者發其汗但微

微似欲汗出者風濕俱去也

成值天陰雨不止明其濕勝也內經曰陽受風氣陰

受濕氣又曰傷於風者上先受之傷於濕者下先受之風濕相搏則風在外而濕在內汗大出者其氣暴暴則外邪出而裏邪不能出故風去而濕在汗微微而出者其氣緩緩則內外之邪皆出故風濕俱去也麻黃白

木湯桂枝附子湯風濕宜汗桂枝加白朮黃芪防己湯

風濕相搏骨節煩疼掣

痛不得屈伸近之則痛極汗出短氣小便不利惡風不

欲去衣或身微腫者甘草附子湯主之

活人用杏仁湯



寒濕相搏濕家其人但頭汗出背強欲得被覆向火若

下之早則噦胸滿小便不利舌上如胎者以丹田有熱

胸中有寒渴欲得水而不能飲則口燥煩也

成濕勝則多汗傷寒

則無汗寒濕相搏雖有汗而不能周身故但頭汗出也背陽也腹陰也太陽之脈夾脊抵腰太陽客寒濕表氣

不利而被覆向火者寒濕在表而惡寒也若下之早動胃

氣損其津液故致噦而胃滿小便不利不後裏虛上焦陽氣因虛而陷於下焦為丹田有熱表中寒乘而入於

胃中為胃上有寒使舌上生白胎滑也藏燥則欲飲水以胃上客寒濕故不能飲而但口燥煩也或云小陷

胃湯甘草附子湯小便不利五苓散理中去薑加朮選用小便利者桂枝加附子理中加茯苓茯苓白朮湯

選用

頭中寒濕濕家病身上疼痛發熱面黃而喘頭痛鼻塞

而煩其脈大自能飲食腹中和無病病在頭中寒濕故

鼻塞內藥鼻中則愈

成病有淺深證有中外此則濕氣淺者也何以言之濕家不云關節

煩疼而云身上痛者是濕氣不留關節而外客肌表也不云發熱身似熏黃復云發熱面黃而喘是濕不干於

脾而薄於上焦也陰受濕氣則濕邪為深今頭痛鼻塞而煩是濕客於陽而不客於陰也濕家之脈當沈細為

濕氣內流脈大者陽也則濕不內流而外在表也又以自能飲食胸腹別無滿痞為腹中和無病知其濕氣微

淺內藥鼻中以宣泄頭中寒濕用瓜蒂散

濕熱濕家之為病一身盡疼發熱身色如熏黃也

成身黃如

橘子色者陽明瘕熱也此身如熏黃即非陽明瘕熱身黃發熱者梔子檳皮湯主之為表裏有熱則身不疼痛

此一身盡疼非傷寒客熱也知濕邪在經而使之脾惡濕濕傷則脾病而色見是以身發黃者為其黃如烟熏

非正黃色也徐氏曰此本濕熱證而論不言熱無治法或治以白朮附子湯甘草附子湯桂枝加桂等藥愚

意恐與濕熱病不宜

濕痺太陽病關節疼痛而煩脈沈而細者此名濕痺濕

痺之候其人小便不利大便反快但當利其小便

或云甘草

附子湯麻黃連翹赤小豆湯千金翼細作緩金匱曰霧傷皮腠濕流關節疼痛而煩者濕氣內流也濕同水

也脈沈而細者水性趨下也痺病也因其關節煩疼而名曰濕痺非脚氣之痺也內經曰濕勝則濡泄小便不利大便反快者濕氣內勝也但當利其小便以宣泄腹中濕氣古云治濕不利小便非其治也趙氏曰活人云一身盡疼發熱身黃小便不利大便反快此名中濕又注云脈細者非也愚詳仲景上文脈沈而細為濕痺今活人却以脈細為非豈濕痺與中濕異歟既曰身黃又不明言其色如熏黃與黃如橘子色豈中濕與陽明痰熱同歟至於治法既曰不可火攻不可發汗而仲景有濕家下之早則噦又下之早則額上汗出微喘小便利者死下利不止者亦死此又有不可下者也

風寒濕雜合為痺為瘰活人曰風寒濕雜至合而為痺身重汗出惡風痛如歷節狀防已黃芪湯經曰病身

熱足寒頸項強急惡寒時頭熱面赤目脈赤獨頭搖卒口噤背反張者此太陽中風重感寒濕為瘕也或云白

朮黃芪附子湯

徐氏曰錯雜之邪合至當論其先後多少分治可也

濕病與傷寒相似黃氏曰太陽濕家病與太陽傷寒相似其不同者濕脈沈而細也愚按脈經曰脈大或浮虛皆寒濕是濕脈亦不專於沈細豈可恃此以差別傷寒還當以證參之庶幾無失濕脈與瘕脈亦有相似者而證則不同濕則身疼瘕則身不疼也趙氏曰頭疼

發熱背強身痛似與傷寒相似其不同者脈沈而細頭汗面黃能飲食所以為異也夫太陽傷寒脈必浮盛今脈沈細苟非濕證即陽證得陰脈也蓋有面黃頭汗其為濕也明矣其濕家能飲食者為病在經而不至于裏也然大便反快而小便滯者亦經絡滯滯不能施化所致也

濕溫活人曰其人傷濕又中於暑名曰濕溫兩脛逆冷胸滿頭目痛妄言多汗其脈陽浮而弱陰小而急茯苓

白朮湯白虎加蒼朮湯切勿發汗汗之名重暍必死  
趙氏曰活人云嘗傷於濕因而中暑濕熱相搏則發濕  
溫許學士云先受暑後受濕雖所言感受先後不同而  
其證治則一也又論脈曰陽濡而弱陰小而急許學士  
以關前為陽關後為陰紀氏則以浮為陽沈為陰雖所  
言部位不同而其脈狀則一也要之二說皆通不可偏  
廢然於用藥則白虎加蒼朮誠為至當但活人書前不  
可表門兼言朮附湯此濕溫門却但言白虎而不言朮

附何耶龐氏方云愚醫昧於冷熱之脈見足脛冷多行  
四逆輩如此醫殺之耳濕溫脈小緊有類傷寒脈但證  
候有異數進白虎則脛自溫而瘥朱氏之意豈以未附  
與四逆藥物相類恐犯龐氏之戒而此問不載設若濕  
氣勝藏府虛大便滑未附其可廢乎屠氏藥法見前  
本義云一身盡痛不能轉側者謂之濕溫 吳氏曰經  
曰濕溫之脈陽濡而弱陰小而急活人書謂其人先傷  
於濕後傷於暑暑濕相搏其證多汗妄言雙脛逆冷者



宜朮附湯加人參香薷扁豆主之若脈大力自汗煩渴者人參白虎湯加白朮主之輕者或十味香薷飲清暑益氣湯增損主之但在除濕益元氣清暑而已

方見中暑

門

死證濕家下之額上汗出微喘小便利者死若下利不

止者亦死

成濕家發汗則愈金匱要畧曰濕家身煩疼可與麻黃加朮四兩發其汗為宜若妄下則

大逆額上汗出而微喘者乃陽氣上逆也小便利或下利者陰氣下流也陰陽相離故云死矣內經曰陰陽

離缺精氣乃絕

麻黃加朮湯方

麻黃

三兩  
去節

桂枝

去皮

甘草

炙各  
二兩

杏仁

七十枚  
去皮尖

白朮

四兩

右五味以水九升先煮麻黃減二升去上沫內諸藥煮取二升半去滓溫服八合覆取微似汗

此外治濕方論雜病首冊已詳不復贅叙

身反張為瘕

有汗為柔瘕無汗為剛瘕證治詳見雜病五冊不復贅

叙

婦人傷寒

婦人傷寒六經傳變治例皆與男子同法惟經水適來適斷熱入血室與夫胎前產後崩漏帶下則治有殊別也

熱入血室婦人中風發熱惡寒經水適來得之七八日熱除而脈遲身涼胸脇下滿如結胸狀譫語者此為熱入血室也當刺期門隨其實而瀉之

東垣云妄見妄聞夜夢亡人皆肝木

大盛而為邪也刺  
期門與此義同

許學士治一婦人患熱入血室證醫者不識用補血  
調氣藥延養數日遂成血結胸或勸用前藥予曰小  
柴胡已遲不可行也無已則有一焉刺期門穴斯可  
矣予不能針請善針者治之如言而愈或問曰熱入  
血室何為而成結胸也予曰邪氣傳入經絡與正氣  
相搏上下流行或遇經水適來適斷邪氣乘虛而入  
血室血為邪迫上入肝經肝受邪則譫語而見鬼復

入臙中則血結於胸也何以言之婦人平居水當養於木血當養於肝方未受孕則下行之以為月水既妊則中畜之以養胎及既產則上壅之以為乳皆此血也今邪氣畜血併歸肝經聚於臙中結於乳下故手觸之則痛非湯劑可及故當刺期門也

婦人傷寒發熱經水適來晝日明了夜則譫語如見鬼狀者此為熱入血室無犯胃氣及上二焦必自愈

活人云小

柴胡湯和之 犯胃氣謂下之犯上二焦謂發汗也

衍義云一婦人溫病已十二日診其脈六七至而濇寸稍大尺稍小發寒熱頰赤口乾不了了耳聾問之病數日經水乃行此屬少陽熱入血室也若治不對病則必死乃按其證與小柴胡湯服之二日又與小柴胡湯加桂乾薑一日寒熱遂止又云我臍下急痛又與抵當丸微利臍下痛痊身漸涼脈漸勻尚不了仍復與小柴胡次日又云我但胸中熱燥口鼻乾又少與調胃承氣湯不得利次日又云心下痛又與

大陷胸丸半服利三行次日虛煩不樂時亦有所見  
時復狂言雖知其尚有燥屎以其極虛不敢攻之遂  
與竹葉湯去其煩熱其夜大便自通至曉兩次中有  
燥屎數枚而狂言虛煩盡解但咳嗽唾此肺虛也恐  
乘虛而成肺痿遂與小柴胡去人參大棗生薑加乾  
薑五味子湯一日咳減二日而病悉愈以上皆用張  
仲景方

婦人中風七八日續得寒熱發作有時經水適斷者此

為熱入血室其血必結故如癰狀發作有時小柴胡湯主之

附

雲婦人傷寒中風治法與男子無異惟熱入血室妊娠傷寒則不同也宜以四物湯安養胎血佐以汗下之藥治之

婦人傷寒中風自汗頭痛項背強發熱惡寒脈浮而緩恐熱入血室故倍加芍藥桂枝加芍藥湯



桂枝

半一兩

赤芍藥

半三兩

生薑

兩切一  
半

甘草

炙一  
兩

大棗

擘六枚

右剉細每服五錢水煎服

婦人傷寒脈浮而緊頭痛身熱惡寒無汗發汗後恐熱入血室宜麻黃加生地黃湯

麻黃

半二兩

桂枝

半一兩

甘草

炙半兩

生地黃

二兩

杏仁

去皮尖二十五枚

右㕮咀每服五錢水煎服

活婦人傷寒經脈方來初斷寒熱如瘧狂言見鬼宜用  
乾薑柴胡湯

柴胡

四兩

括蔞根

桂枝

各一兩半

牡蠣

煨

乾薑

甘草

炙各一兩

右咬咀每服五錢水一盞半煎至七分去渣溫服初  
服微煩再服汗出而愈

羅小柴胡加地黃湯

治婦人室女傷寒發熱經水適

來適斷晝日明了夜則譫語如見鬼神亦治產後惡

露方來忽間斷欲死

柴胡

一兩二錢半

人參

黃芩

甘草

炙

半夏

湯洗七次

生地黃

各七錢

右為麤末每服五錢生薑三片棗二枚水煎服

雲婦人傷寒身熱脈長而弦屬陽明少陽往來寒熱夜躁晝寧如見鬼狀經水適斷熱入血室不實滿者小柴胡加牡丹皮湯主之大實滿者桃仁承氣湯下之小柴胡加牡丹皮湯方

柴胡

人參

牡丹皮

各二兩

甘草

炙

生薑

各七錢半

半夏

湯洗六錢

大棗

三枚擘

黃芩

七錢半

右剉細每服一兩水煎服

婦人傷寒頭痛脈浮醫反下之邪氣乘虛而傳於裏經水閉不行心下結鞭口燥舌乾寒熱往來狂言如見鬼狀脈沈而數者當下之宜小柴胡加芒硝大黃湯主之

柴胡

二兩

半夏

製一兩半

黃芩

生薑

各七錢半

大黃

芒硝

各七錢

甘草

炙五錢半

大棗

三枚擘

右劉每服一兩水煎去滓下芒硝再沸溫服若脈不沈數即不可下

許辛亥中寓居毗陵學官王仲禮之妹病傷寒發寒熱遇夜則如鬼物所憑六七日忽昏塞涎響如引鋸牙關緊急瞑目不知人疾勢極危召予視之予曰得病之初曾值月經來否其家曰月經方來病作而經遂止一二日發寒熱晝雖靜夜則有鬼祟從昨日誕生不省人事予曰此熱入血室之證也仲景云婦人中風發熱惡寒

經水適來晝則明了夜則譫語如見鬼狀發作有時此  
名熱入血室醫者不曉以剛劑與之遂致胸膈不利涎  
潮上腕喘急息高昏冒不知人事當先化其痰後除其  
熱予急以一呷散投之兩時頃涎下得睡省人事次授  
以小柴胡加地黃湯三服而熱除不汗而自解矣  
雲婦人傷寒表虛自汗身涼四肢拘脈沈而遲太陽標  
病少陽本病經水適斷桂枝加附子紅花湯

桂枝

二兩半

芍藥

生薑

各一兩半

甘草

炙一兩

附子

炮

紅花

各五錢

右剉細每服一兩水三盞煎服

婦人傷寒太陽標病汗解表除邪熱內攻熱入血室經水過多無滿實者甘草芍藥湯

甘草

芍藥

生地黃

川芎

各一兩

右咬咀每服一兩水三盞煎至一盞半去滓入髮灰五錢調勻溫服不止者刺隱白

妊娠傷寒凡凡妊娠傷寒六經治例皆同但要安胎為

主凡藥中有犯胎者則不可用也如藿香正氣散十味  
芎蘇散參蘇飲小柴胡湯之類有半夏能犯胎如用須  
去之若痰多嘔逆必用之以半夏麴則可如無沸湯泡  
七次去皮臍生薑自然汁拌晒乾乃可用也凡川烏附  
子天雄側子肉桂乾薑大黃芒硝芫花甘遂大戟蜀漆  
水蛭蜜蟲桃仁牡丹皮乾漆代赭石瞿麥牛膝等類之  
物皆動胎之藥凡用必須斟酌仔細而詳之也其餘詳  
見各條治例不錄凡護胎之法傷寒熱病熱甚者宜用



井底泥塗臍二寸乾即又塗之一方以白藥子為末水調塗之一方以伏龍肝末水調塗之可護胎也大抵妊娠傷寒合用湯劑必加黃芩白朮二味能安胎也或以此二味煎湯與之或為細末白湯調下二三錢亦佳如妊婦素稟弱者藥中四物湯佐之不可缺也且如用小柴胡湯去半夏加白朮合四物湯用之可以保胎除熱也其効如神餘皆倣此用之則妙矣

潔黃芪解肌湯 治婦人妊娠傷風自汗

人參

黃芪

當歸

川芎

甘草

炙各五錢

芍藥

六錢

加蒼朮生地黃亦可

右為麤末每服五錢水煎溫服無時

海若妊娠傷寒中風表虛自汗頭痛項強身熱惡寒脈浮而弱太陽經病宜表虛六合湯

四物湯

四兩

桂枝

地骨皮

各七錢

若妊娠傷寒頭痛身熱無汗脈緊太陽經病宜表實六合湯

四物湯

四兩

麻黃

細辛

各半兩

若妊娠傷寒中風濕之氣肢節煩疼脈浮而熱頭痛者

太陽標病也宜風濕六合湯

四物湯

四兩

防風

蒼朮

製各七錢

若妊娠傷寒下後過經不愈濕毒發斑如錦紋宜升麻

六合湯

四物湯

四兩

升麻

連翹

各七錢

若妊娠傷寒胸脇滿痛而脈弦少陽證宜柴胡六合湯

四物湯 四兩

柴胡

黃芩 各七錢

若妊娠傷寒大便硬小便赤氣滿而脈沈數陽明太陽本病也急下之宜大黃六合湯

四物湯 四兩

大黃 五錢

桃仁 去皮尖 麝炒十枚

若妊娠傷寒汗下後咳嗽不止者宜人參六合湯

四物湯 四兩

人參

五味子 各五錢

若妊娠傷寒後虛痞脹滿者陽明本虛宜厚朴六合湯

四物湯 四兩

厚朴

枳實 麝炒各五錢

若妊娠傷寒汗下後不得眠者宜梔子六合湯

四物湯 四兩

梔子

黃芩 各五錢

若妊娠傷寒大渴蒸蒸而煩脈長而大者宜石膏六合湯

四物湯 四兩

石膏

知母 各五錢

若妊娠傷寒小便不利太陽本病宜茯苓六合湯

四物湯 四兩

茯苓

澤瀉 各五錢

若妊娠傷寒太陽本病小便赤如血者宜琥珀六合湯

四物湯

四兩

琥珀

茯苓

各五錢

若妊娠傷寒汗下後血漏不止胎氣損動者宜膠艾六

合湯

四物湯

四兩

阿膠

艾

各五錢一方加甘草同上一方加甘草乾薑黃芪

若妊娠傷寒四肢拘急身涼微汗腹中痛脈沈而遲少  
陰病也宜附子六合湯

四物湯

四兩

附子

炮去皮臍

桂

各五錢

若妊娠傷寒畜血證不宜墮胎藥下之宜四物大黃湯

主之

四物湯

四兩

生地黄

大黃

酒浸各五錢

婦人妊娠或畜血抵當桃仁勿妄施要教子母俱無損  
大黃四物對分之

丹施孺人傷風未解兩足下脛冷嗽多不吐痰頭眩蓋  
其性急又當臨月

黃芩

半錢

陳皮

白朮

各一錢

蘇梗

三分

木通

枳殼

炒各五分

麻黃

三分

甘草

炙二分

桔梗

蒼朮

各半錢

右水煎服無時

雲婦人有孕傷寒脈浮頭重腹中切痛宜桂枝芍藥當

歸湯

桂枝

芍藥

當歸

各一兩

右剉細每服一兩水煎

婦人妊娠傷寒自利腹中痛食飲不下脈沈者太陰病也宜芍藥湯

芍藥

白朮

甘草

茯苓

各一兩



右如前修服

活治妊娠傷寒安胎宜阿膠散

人參

白茯苓

阿膠

炒

桑寄生

白朮

各等分

右搗羅為細末糯米飲調下二錢日二服

治妊娠傷寒安胎宜白朮散

白朮

黃芩

新瓦上炒香各等分

右為末每服三錢水一鍾生薑三片大棗一枚擘破同煎至七分去滓溫服但覺頭痛發熱便可服二三

服即瘥惟四肢厥冷陰證見者未可服

治妊娠傷寒憎寒發熱當發其汗宜蔥白湯

蔥白

十莖

生薑

二兩切

右剉水二盞煎至一盞連服取汗

海蔥白一物湯用蔥白二把以水一升熟煮取汁令食盡亦主安胎若胎損須臾即出

紫蘇散 治胎氣不和揍上心腹脹滿疼痛謂之子懸能安活胎亦下損胎又治傷寒頭疼發熱遍身疼痛

紫蘇葉

當歸各一人參

甘草炙各半兩

大腹皮

川芎白芍藥

陳皮去白各一兩

每服八錢水一鍾半生薑五片蔥白三莖連須煎至

一鍾去滓食前熱服若心腹甚痛者加木香玄胡索

研同煎服

芎蘇散 治妊婦傷寒頭痛憎寒壯熱身痛項強

紫蘇葉

川芎

白芍藥白朮

陳皮

乾葛

甘草麥門冬各等分

劉散每服四錢薑四片蔥白三莖煎熱服

治婦人傷寒妊娠服藥例 若發熱惡寒不離桂枝芍

藥 若往來寒熱不離柴胡前胡 若大渴者不離知

母石膏五味子麥門冬 若大便泄者不離桂附乾薑

白朮 若大便燥結者不離大黃黃芩 若月經適來

適斷者不離小柴胡 若胎不安者不離人參阿膠白

朮黃芩 若發汗者不離煎豉生薑麻黃旋覆 若頭

痛者不離石膏山梔前胡 若傷暑頭痛者不離柴胡

甘草石膏 若滿悶者不離枳實陳皮 若胎氣不安者不離黃芩麥門冬人參 若斑發黑者不離黃芩梔子升麻

大治妊娠時氣身大熱令子不落護胎方

伏龍肝研為極細末調塗臍下三寸乾即易瘥即止

又方 井水泥塗乾即易之

二方出本事有効

又方 浮萍 藍根 朴硝 蛤粉 大黃

微炒

右為末調傅臍上安胎解熱極妙

又方 白藥子為末水調傳腹上

治妊娠霍亂二方

附少陰  
吐利門

治妊娠發斑變為黑色宜梔子大青湯

黃芩

升麻

梔子仁

各二兩

大青

杏仁

各半兩

右咬咀每服五錢水一盞半細切蔥白三寸煎至一

盞去滓溫服

產後傷寒吳新產後患傷寒不可輕易發汗蓋有產時傷力發熱去血過多發熱惡露不去發熱三日蒸乳發

熱或有早起動勞飲食停滯一皆發熱狀類傷寒要在  
仔細詳辨切不可輒便發汗大抵產後大血空虛若汗  
之則變筋惕肉瞤或鬱冒昏迷而不省或風搖擗而不  
定或大便秘澀而難去其害非輕切宜精審凡有發熱  
且與四物湯以川芎當歸為君最多白芍藥須炒過酒  
蒸熟地黄佐之如發熱加軟苗柴胡人參乾薑主之最  
効蓋乾薑之辛熱能引血藥入血分氣藥入氣分也且  
能去惡養新有陽生陰長之道以熱治熱深合內經之

旨予嘗用之取効如神故錄以勸之如有惡露未盡者  
益母丸黑神散必兼用之若胃虛食少者必加白朮扶  
苓有痰嘔逆者必加陳皮半夏其餘六經各條治例皆  
同但藥中必加四物湯為主乃養血務本之要也 產  
後中風數十日不解頭微痛惡寒時時有熱心下悶乾  
嘔汗出雖多陽旦證耳可與陽旦湯  
即桂枝湯方  
見太陽病  
產後中風發熱面赤喘而頭痛竹葉湯主之

竹葉

一把

葛根

三兩

防風

桔梗



桂枝

人參

甘草

炙各  
一兩

右咬咀每服五錢棗一枚薑五片水一盞半煎一盞  
去滓服溫覆使汗出若頭項強用大附子半錢煎藥  
揚去沫嘔者加半夏一錢

丹產後發熱惡寒皆屬血氣虛左手脈不足補血右手  
脈不足補氣凡惡寒發熱又腹痛當去惡血惡寒發熱  
乳汁不通及腫者無子當消用麥芽二兩炒研細清湯  
作四服調下有子當下用木通通草猪蹄汁調煎服

產後纔見身熱不可發表并一切苦寒藥必用乾薑治之大發其熱輕則用茯苓淡滲其熱

大凡產後發熱頭痛身疼不可便作感冒治之此等多是血虛或敗血作梗宜以平和之劑與服必效如玉露散或四物加北柴胡等分煎服若便以小柴胡湯及竹葉石膏湯之類竟不救者多矣

玉露散 治產後乳脈不行身體壯熱疼痛頭目昏痛大便滯滯悉治之涼膈壓熱下乳

人參

茯苓

甘草

各半兩

苦梗炒

川芎

白芷

當歸

二錢半

芍藥

七錢半

右咬咀每服五錢水一盞煎至七分溫服如煩熱甚大便秘者加大黃二錢半

小兒傷寒

潔傷寒表裏攻發 有表證惡風惡寒者當發表

海藏云惡

風者白朮散惡寒者神朮湯

如氣盛能食不大便無表證者可攻

裏 春主溫屬木身溫當發汗

海藏云神朮湯

夏主長屬火

身熱而煩躁合大發散

海藏云神木加黃芪湯

長夏主化屬土

及居四季同當調其飲食

海藏云四君子湯

秋主收屬金身

涼內溫合微下

海藏云通膈丸金花丸

冬主藏屬水身熱而惡

寒是熱在外而寒在內身寒而惡熱是熱在內而寒在

外

海藏云熱在內者調胃承氣湯寒在內者調中湯丸

潔凡傷寒宜依四時陰陽升降逆順剛柔而施治法氣

升浮則順發之收藏則下之有汗發熱惡風脈浮緩

者風傷衛桂枝湯無汗發熱惡寒不當風而自憎寒

脈浮緊者寒傷榮麻黃湯 有汗發熱惡風脈浮緊無  
汗發熱惡寒脈浮緩謂之榮衛俱傷青龍桂枝麻黃各  
半湯 無汗發熱不惡風寒脈沈洪者可下之更詳認  
其厥與不厥量寒熱淺深而治之 有汗四肢厥脈沈  
微者名陰厥四逆湯 無汗四肢厥脈沈微者名陽厥  
大承氣湯加膩粉 如四肢不厥身熱內外皆陽不動  
三焦宜涼藥三五服下之 黃芩甘草湯 黃芩白朮  
湯 黃芩蒼朮湯 黃芩梔子湯 連翹飲子 小柴

胡湯 八正散 涼膈散 白虎湯 五黃散 此上

中下三焦藥宜選用之 中暑脈虛背惡寒自汗而渴者白虎湯身涼脈緊熱在內者急下之口燥咽乾不大便是也 無汗身大熱者可發汗升麻湯大青膏天麻膏 有汗身大熱者桂枝湯惺惺散解肌湯小柴胡湯白朮防風湯可選用之 發汗者量四時暄暑燥濕風寒各宜春涼夏寒秋溫冬熱而發之

錢傷風貪睡口中氣熱呵欠煩悶當發散與大青膏表

證也

潔古補遺云小兒外感於風寒拘急呵欠煩悶皮毛澁口中氣熱者當發散秋冬用溫熱藥春夏用

涼寒藥

### 大青膏方

天麻

青黛

研各一錢

白附子

生一錢半

蝎尾

去毒生半錢

硃砂

研

天竺黃

研

麝香

各一字

烏梢蛇肉

酒浸焙乾取末半兩

右同研細生蜜和成膏每服半阜子或一阜子大月

中兒粳米大同牛黃膏薄荷水化一處服之五歲以

上同甘露散服

雄黃膏

治傷風溫壯熱引飲

雄黃

小棗大研蘿蔔根水并醋一大盞煮盡

甘草末

川甜稍

各三錢

寒水石

研細五錢匕

腦子

一錢匕

硃砂

五分

右研勻煉蜜成膏薄荷湯化下半阜子大

右前大青膏發散貪睡口氣熱呵欠煩悶表證者蓋為三歲以下小兒未能言者設也

活尋常風壅發熱鼻涕痰嗽煩渴惺惺散主之

惺惺散

治小兒風熱及傷寒時氣或瘡疹發熱



桔梗

細辛

人參

白朮

甘草

括萎根

白茯苓

川芎

各等分

右為末每服二錢薑二片薄荷二葉煎服三歲以下作四五服凡小兒不問傷風傷寒風熱與此即愈

海傷寒時氣風熱痰壅咳嗽及氣不和者四君子加細辛瓜蒌桔梗各一分生薑薄荷煎或加防風川芎各一分內有寒及遇天寒欲發散者則去瓜蒌加桔梗多虛汗夜啼者加麥門冬傷風身熱頭痛氣促者四君子

加川芎防風等分細辛羌活減半同煎

活咽喉不利痰實咳嗽鼠粘子湯

雲人參羌活散 治小兒寒邪及瘟氣時疫瘡疹頭痛  
體疼壯熱多眠不語潮熱煩渴痰實咳嗽

羌活

獨活

柴胡

人參

芎藭

枳殼炒

甘草炙

白茯苓

去皮各二兩

前胡

桔梗

天麻

酒浸炒

地骨皮

各半兩

右為散每服二錢水一盞入薄荷少許同煎去渣溫

服不拘時候

七寶散 治時氣頭昏體熱小兒同乳母服大人亦可

紫蘇葉

香附

炒各三兩

陳皮

甘草 炙

桔梗

白芷

川芎

各一兩

右哎咀薑棗煎服

海麻黃黃芩湯 治小兒傷寒無汗頭痛身熱惡寒

麻黃

赤芍藥

黃芩

各半兩

甘草

炙

桂枝

各二錢半

右為麤末水煎服

升麻黃芩湯 治傷風有汗頭疼發熱惡風

升麻

葛根

黃芩

芍藥

各五錢半

甘草

一錢半

右咬咀每服二錢水煎溫服

右惺惺散等藥發散頭痛發熱惡風寒表證者蓋為  
三歲以上小兒能言者設也能言故頭疼惡風寒可  
問而知也前五方通治有汗無汗惡風惡寒第五方  
治無汗惡寒第六方治有汗惡風

錢與大青膏不解散有下證當下大黃丸主之大熱飲

水不止而善食者可微下餘不可下也

此裏證也潔古補遺云大熱飲

水能食不大便用大黃丸作散子與服之如清便自調慎不可妄下恐外熱逐於內而變結胸危證多矣

大黃丸 治風熱裏實口中氣熱大小便秘赤飲水不

止有下證者宜服之

川芎

半兩

黑牽牛

半兩半生半熟炒

大黃

酒蒸一兩

甘草

炙二錢半

右為細末稀糊和丸麻子大二歲每服十丸溫蜜水下乳後服以溏利為度未利加丸數

活頭額痛身體發熱大便黃赤腹中有熱四順散連翹

飲三黃丸主之

三方並見幼科  
準繩痘疹門

身體潮熱頭目昏痛

心神煩躁小便赤大便秘此熱劇也洗心散調胃承氣

湯主之

洗心散  
見痘門

頭額身體溫熱大便白而酸臭者胃中有食積雙聖丸

主之

方見幼科  
食癖門

潔如身表無大熱而小便不利是有濕熱結膀胱仍用  
勝濕藥白朮白茯苓之類利小便則其熱自退

雲小兒傷寒煩熱小便赤澁大便秘色面赤熱者導赤

散

錢傷風兼藏兼心則驚悸兼肺則悶亂喘息哽氣長出氣嗽兼腎則畏明各隨補母藏虛見故也

傷風手足冷脾藏怯也當先和脾後發散和脾益黃散

發散大青膏主之

此治陰厥有汗脈沈微者若陽厥無汗脈沈滑者不宜此法宜大承氣湯

而加  
膩粉

傷風自利脾藏虛怯也當補脾後發散補脾益黃散發

散大青膏主之未瘥調中丸主之有下證大黃丸下之

後服溫驚丸

傷風腹脹脾藏虛也當補肺必不喘後發散仍補脾也

去脹塌氣丸主之發散大青膏主之

傷風吐瀉

治見幼科準繩吐瀉門瀉用益黃散白朮散發散用大青膏

湯治夾驚傷寒熱極生風薄荷散

薄荷葉

兩半

羌活

全蝎

麻黃

去根節

甘草

各一錢二分半

天竺黃

僵蠶

白附子

炮各二錢半

為細末每服一錢水半盞煎至三分加竹瀝少許妙



雲小兒表傷寒則皮膚閉而為熱盛即生風欲為驚搐  
血氣未實不能勝邪故發搐也大小便依度口中氣熱  
當發之宜大青膏

肺盛復有風冷則胸滿短氣氣急喘嗽上氣當先散肺  
後發散風冷散肺瀉白散散風大青膏主之若止傷寒  
則不胸滿

腎虛則畏明宜補腎地黄丸

有表者間用地  
黃膏發散之

傷風下後虛熱以藥下之太過胃中虛熱飲水無力當

生胃中津液多服白朮散 小兒結熱於內口乾而渴  
身黃體重者宜白朮散

湯傷寒發渴宜白虎湯

潔大熱飲水能食不大便用大黃丸作散服之

右三方白朮散治虛渴為下後而食少胃虛者設也  
白虎湯大黃丸治實渴為未經下而能食不大便者  
設也

潔傷寒咳嗽吐清水哽氣長出氣是肺之不足也合用

阿膠散面白如枯骨者死不治 身熱咳嗽吐痰者當

用褊銀丸

方見幼科  
嗽門

右二方治咳嗽阿膠散治虛嗽為哽氣長出氣者設  
也褊銀丸治實嗽為痰盛喘滿者設也若有表證惡  
風寒而嗽者當用惺惺散加減四君子湯鼠粘子湯  
之類是也

陰厥陽厥關

潔身大熱吐逆不止者茯苓半夏湯

即小半夏加茯苓湯方見嘔門

湯傷寒嘔者枳殼半夏湯

枳殼

半夏

各半兩

右水一碗薑十片煎至半碗十歲以下作五服

藿香正氣散 治傷寒發嘔

藿香葉

厚朴

製

半夏

製

甘草

陳皮

蒼朮

米泔浸各等分

右咬咀每服二錢水半盞薑三片棗一枚煎至二分

去渣溫服

潔大吐者當下之白餅子珍珠丸消積丸

三方俱見幼科食癰門

潮熱有時胸滿短氣嘔吐者桃枝丸

方見幼科積熱門

右七方治傷寒嘔吐前二方治痰飲而吐中一方治有表而吐後四方治有裏而吐其桃枝丸治裏熱而吐餘二方治表寒而吐也

湯傷寒自汗當補虛和陰陽小建中湯減桂加黃芪人參地黃

黃芪

一兩

白芍藥

兩

甘草

人參

熟地黃

各半兩

右咬咀每二錢水半盞煎至三分去渣服

小兒傷寒形證 頭痛 體痛 鼻塞或流涕 喉內

喘息 兩手脈洪數 頰赤眼澁 身上寒毛起 口

鼻出水 眼赤黃 口乾澁 咳嗽 山根青色 噴

嚏

活頭目疼痛而畏人惡寒者此傷寒證也

雲設令小兒卒暴身壯熱惡寒四肢冷或耳尻冷鼻氣  
熱為斑疹也與傷寒表證相似此胎氣始發自內之外

若與傷寒表證同治者誤也當作斑疹治之

吳小兒傷寒六經治例皆同但有胎熱驚熱血熱客熱寒熱潮熱痰熱食熱變蒸發熱痘疹發熱傷風發熱一皆發作狀似傷寒要在明辨之爾况肌體嫩弱血氣未定脈法不同藥劑輕小之別故畧其節要另開列於左以便覽焉 凡小兒察面色為先要宜詳察色要畧也 凡小兒視虎口脈紋者以男左女右手食指第一節為初關二節為中關三節為末關即寅卯辰三位也凡脈

紋見初關者輕中關者重末關者病危也以紫脈為驚  
熱紅脈為傷寒為熱白主疳熱少血青主驚主風主寒  
主腹中痛主搐搦黃主傷乳食脾虛黑主冷氣主中惡  
主病沈困也凡紫赤青黑脈紋直透末關者死

凡小兒四五歲以一指按其三部脈六七歲以二指按  
切三部脈十歲以上當密排三指而切之宜詳脈訣要  
畧也脈經曰四五歲以上者呼吸七八至細數者吉九  
至為熱十至為困五至為寒四至困也十歲左右者五



六至為平也 凡胎熱驚熱客熱血熱痰熱寒熱潮熱等治法並見幼科準繩宜詳玩之茲不具錄 凡食熱傷乳者則吐哕妳癰不消口中醋氣傷食則心下滿鞭噯氣作酸惡食右手氣口脈盛手心熱手背不熱則肚背先熱以此別之 凡治傷食發熱必以六君子湯為主或加神麴麥芽棠毬子砂仁香附之類如內實者加枳實青皮熱不解者加軟苗柴胡炒黃連或黃芩之類以解如無熱宜服香砂保和丸 凡變蒸發熱者以長

氣血也夫變者氣上蒸者體熱也輕者發熱虛驚耳冷  
微汗唇中有白泡如珠子是也三日而愈重者寒熱脈  
亂腹疼啼叫不食凡乳食輒吐嘔五日愈也 凡傷風  
發熱則貪睡脾澁呵欠頓悶鼻塞噴嚏或鼻流清涕口  
中氣熱或咳嗽聲重或自汗怕風也宜人參羌活散加  
減主之其餘治例宜傷風表證例也要在詳辨治之爾  
凡傷寒則怕寒拘急發熱翕翕然在表晝夜不止直  
待汗出方解錢氏曰男子則面黃體重女子則面赤喘

急憎寒口中氣熱呵欠頓悶項急也大抵傷寒則手背  
熱手心不熱左手人迎脈緊盛也其餘六經為病詳見  
六經發熱例同但藥劑宜輕小也亦有失驚失食傷寒  
要在審辨而已

凡痘疹發熱錢氏曰腮赤多躁噴嚏眼澁呵欠頓悶時  
發驚悸身重發熱耳尖鼻尖手足稍冷也或乍涼乍熱  
睡中驚惕起卧不安者乃其候也切不可認作傷寒輒  
用發汗或重被蓋覆取汗則大誤矣須仔細辨之凡

壯熱痘疹欲出未出者宜用升麻葛根湯主之胃弱食少者必加人參白朮白茯苓主之若欲透斑更加紫草茸為妙丹溪言但見紅點便忌葛根慮恐發得表虛瘡出爛漫也錢氏治斑瘡未透者以四君子湯加糯米煎先助胃氣也一方更加升麻紫草茸以透斑出凡痘瘡三日至足謂之出齊若小大不等根窠紅活者不必服藥至五日當灌漿若漿來肥滿光澤者不必服藥若五六日漿不來便當救之以人參黃芪當歸三味為君佐


以白朮陳皮白芷川芎白芍藥防風炙甘草之類必須  
加肉桂三分或五分能引藥入血分化膿為妙若氣逆  
滿悶出不快者少加木香二三分主之如惡心嘔逆不  
食者須加丁香三粒以透胃氣升發痘毒外出然此皆  
秘傳之法用之屢驗者也若有痒塌寒戰咬牙手足冷  
或嘔或喘或大便下利者此表裏之氣俱虛也宜加肉  
豆蔻訶子各五分熟附子二分或五分主之或十宣內  
托散加此三味亦佳凡欲靨未靨頭溫足冷或瀉渴或

氣促四肢冷悶亂不寧卧則哽氣寒戰咬牙無熱證者  
宜陳氏十二味異功散主之凡青乾紫陷有熱者不可  
用此宜八珍湯加黃芪升麻紫草茸生地黃之類主之  
其餘詳見幼科準繩痘疹門宜詳玩而用焉一方治痘  
瘡未透漿不至者以烏骨白雄雞冠上取血和白酒漿  
溫與之最効凡有痒塌抓損宜房中常燒乳香尤妙宜  
多用芪歸等湯大抵痘瘡變黑或青乾或紫陷漿不來  
昏沈汗出不止煩燥熱渴腹脹啼哭聲啞大小便不通

者皆難救也凡瘡外黑裏赤者重外白裏黑者極重瘡  
端裏黑點如針孔者難治惟裏外肥紅者最吉若一發  
並出及一發如針頭密者皆難治也要在詳辨而已

溫病

田春曰溫病 未滿三日先用惺惺散二服後四五日  
不解煩渴嘔用白朮散如自汗口燥用製白虎湯至六  
七日大便燥結用四順飲子下心腹大實大滿牛黃通  
膈丸下初覺之時疑是瘡疹只用葛根升麻湯解肌





證治準繩卷五十一